

摘藻堂四庫全書薈要

集部

欽定四庫全書會要

集部

李義山文集卷六



詳校官助教臣常循

欽定四庫全書薈要卷一萬四千六十四

集部

李義山文集卷六

監察御史徐樹穀箋

山東提學僉事徐炯註

祭文上

代李玄為崔京兆祭蕭侍郎文

箋舊書文宗紀太和九年六月李宗

閔貶明州刺史時京兆尹楊虞卿坐妖言遣歸第人皆以為冤誣宗閔於上前極言論列上怒面數宗閔之罪叱出之故坐貶七月貶虞卿為虔州司馬吏部侍郎李漢為邠州刺史刑部侍

郎蕭瀚為遂州刺史八月又貶宗閔為潮州司  
戶其黨楊虞卿李漢蕭瀚皆再貶本集哭遂州  
蕭侍郎詩云遺音和蜀魄易箒對巴猿蓋瀚至  
遂州未幾而卒也本傳商隱博學強記下筆不  
能自休尤善為誄奠之辭

年月日

集有狀字

惟靈傳芳華胄

隋房彥謙傳傳芳萬古

稟慶靈源

沈約

碑靈源與積石爭流

漢朝輔相之流輝

謂蕭何之裔

梁室帝王之遺懿

哭蕭侍郎詩亦有公先真帝子句

克生俊德彰我休期高表百尋

庾信碑直

幹百澄波萬頃

見為柳珪啟

及春闈獻藝

見為安平公表

會府試才

周禮註外朝今司徒府中有百官朝會之殿云天子與  
丞相舊決大事焉是外朝之存者與後漢律歷志羣臣

會司徒府議注蔡邕集載三月九日百官會府公殿下

騏驥出塵

說苑騏驥雖疾不遇伯樂不致

千蛟龍得水

吳志周瑜曰劉備非久為人用者恐蛟龍得雲雨終非池中物也

頓纓而

駑駘盡喪乘風而鼉蜃皆空憑陵遠天

左傳鄭王子伯駑告于晉曰憑

陵我躑躅長道

卓文君白頭吟今日斗酒會明旦是將溝水頭躑躅御溝上溝水東西流

是將

筮仕光

一作先

乎縉紳侯國從知大朝就選

並見前

秘寶宜

陳於東序

典引御東序之秘寶

朱紱必降於上玄

易朱紱方來

錦帳而

居青縑以覆

蔡質漢官典職尚書郎給青縑白綾被或以錦被

建禮推盡瘁之

績明光多伏奏之勤

漢官儀尚書直宿建禮門奏事明光殿省中以丹朱漆地故曰丹墀

尚書伏其  
下秦事

亦既遷榮乃司論駁高居青瑣封還

集作折

紫

泥

並見表

使明時無失政之機大邦無不便之詔

後漢表紹傳每

得詔書有  
不便於已

暫辭朝籍往分郡符

舊書文宗紀太和七年三月丁巳以給事中蕭

澣為鄭  
州刺史

借寇莫從

後漢寇恂傳車駕南征恂從至潁川而竟不拜郡百姓遮道曰願從陛下

復借寇君一年  
潁川太守故曰復借也

注恂前為

徵黃甚急

見為濮陽公表

方將啟乎

良友進彼令人

詩我無令人

志豈愛身擔將許

集作匡

國

見代彭陽

公不謂踈網猶漏

見為榮陽公表

斯文

一作民

未康作礪為鹽

書若

金用汝作礪詳  
為絳郡公啟

正俟理平之運依城憑社

晏子春秋景公問晏子治

國何患對曰社鼠者不可燠不可灌君之左右出賣寒熱入則比周此之謂社鼠也晉謝鯤傳王敦將為逆謂

鯤曰劉隗奸邪將危社稷吾欲除君側之惡何如對曰隗誠始禍然城狐社鼠也沈約奏彈王源文狐鼠微物

亦蠹大猷善曰應璩詩城狐不可掘社鼠不可熏深懷翦滅之虞左傳齊侯曰余姑翦

滅此而朝食上蔽聰明內求嬖近晉郭璞傳疏曰不宜令藁近紫闥南史張弘策傳嗣

主在宮本無令故鴻猷不得而協贊劉敬叔異苑晉隆譽嬖近左右安中鳳凰集劉穆

之庭韋叢謂曰睿化莫可以輔成後漢王常傳常大悟曰誠思出身為用輔

成大貌是流離有窘陰雨詩終其永懷又窘陰雨嗚呼令惟逐客

誰復上書史記李斯傳秦宗室大臣請一切逐客李斯議亦在逐中斯乃上書獄以黨人

但求俱死

後漢黨錮傳張儉鄉人朱並上書告儉與同鄉檀彬等二十四人別相署號圖危社稷刻

石立墀共為部黨而儉為之魁靈帝詔刊章捕儉等大

長秋曹節因此諷有司捕前黨故司空虞放等百餘人

皆死

銜冤遽往

隋煬三子傳下書曰銜冤擅眾

吞恨孤居

鮑昭蕪城賦天道如何吞

恨者

目斷而不見長安

見為汝南公表

形留而遠託異國

李陵答蘇

武書遠託異國昔人所悲

屈平忠而獲罪

史記屈原信而被謗

賈誼壽之

不長

漢賈誼傳賈誼為長沙王太傅三年有鵬飛入賈生舍止於坐隅楚人命鵲曰鵬賈生既以適居長

沙長沙卑濕自以為壽不得長傷悼之乃為賦以自廣

纔易炎涼

沈約詩寒暑遞炎涼 遂分

今昔粵自東蜀

見獻河東公啟

言旋上京郭泰墓邊空多會葬



後漢書郭泰卒四方之士千餘人皆來會葬同志者乃共刻石立碑

鄧攸身後不見遺孤

晉書石勒過泗水鄧攸曰吾弟早亡理不可絕止應自棄吾兒繫之於樹而去時人語曰天道無知使鄧伯道

無兒攸死弟子綏服喪三年

信陰隲之莫知

書惟天陰隲下民

亦生人之極

痛某等頃同班列

晉王祥傳祥曰公王相去一階而已班列大同

獲奉周旋

左傳

季文子使太史克對曰行父奉以周旋

分結死生地兼族類

左傳史佚之志曰非我族

類其心必異

依仁既切慕德方深始驚南浦之悲

江淹別賦送君南浦

傷如之何

俄軫下泉之訃

王粲七哀詩悟彼下泉人喟然傷心肝

今則年良月

吉

論衡葬歷曰葬避九空地自及日之剛柔月之奇耦日吉無害剛柔相得奇耦相應乃為吉良

筮協

龜從

書龜筮協從

顧埋王之難追

晉書庾亮卒何充歎曰埋玉樹於土中使人情何能

已

歎焚芝之

集作而

何及

淮南子巫山之上順風縱火紫芝與蕭艾俱死陸機歎逝賦信

松茂而栢悅嗟焚而蕙歎

牲牢麕潔酒醴非多聊寫丹忱以伸永

訣

潘岳誄存亡永訣逝者不追

### 為絳郡公祭宣武王尚書文

伏惟曾構高基往修峻址俯為明時載生奇士

漢江充傳充為

人魁岸容貌甚壯帝望見而異之曰燕趙固多奇士

杜林舅族本富文理

見為白從事啟

楊惲外甥

集作門是

素多圖史

漢楊惲傳惲母司馬遷女也惲始讀外祖太史公記頗為

春秋以朱檻有裕

朱檻當作朱藍藝文類聚譙子曰夫材能稱交之道猶素之白也染之以朱則赤

染之以藍則青王充論衡彼姝者子何以與之其傳曰譬猶練絲染之藍則青染之朱則赤按今毛傳無此文

蓋魯齊韓三家語也括羽成美

家語孔子曰括而羽之鏃而礪之其入之不亦深乎王僧孺為蕭監

利求入學啟樸斲成於丹獲篠蕩資於括羽

逸足輕從東之道

見為中丞狀

巨背

狹圖南之水

見為安平公表

匡生明習

漢匡衡傳學者多上書薦衡經明又蕭望之奏

衡經學精明

董氏精專

見為舉人啟

魯壁隆簡汲冢遺編

見為安平公表

坐忘流麥

後漢逸民傳高鳳字文通妻常之田曝麥於庭而鳳誦經不覺潦水流麥

出記懷

鉛

西京雜記揚雄懷鉛提槧從計吏訪四方語作方言

淹中莫敵

漢藝文志禮古經者出於魯淹

中蘇林曰里名也史記正義七錄云古儀禮出魯淹中其書周宗伯所掌五禮威儀之事稷下誰先

曹植書田巴毀五帝罪三王咎五伯於稷下善曰魯連子云齊之辯者曰田巴辯於沮丘而議於稷下七畧云

齊有稷城門也朝有曲臺見代彭陽公表時推奧學明博士之高選魏志

劉馥傳疏曰宜高選博士取行為人表經任人師者掌教國子資衆儒之先覺見孟子殷

周損益見論語夔夷禮樂書帝曰有能典朕三禮僉曰伯夷帝曰俞咨伯汝作秩宗又帝

曰夔命汝典樂既得根源晉藝術傳論曰盡除蹻駁孝經序蹻駁尤甚

粉闥假道一作途漢官儀省中皆諫署揚輝後漢李膺傳荀爽書

曰虹蜺揚輝吾寧訐訕見論語時好依違南史鄭鮮之傳時或談論人比依違不敢

難

周舉上章惟求主悟

後漢周舉傳舉上書言當世得失辭甚切正尚書郭虔應賀等

見之歎息共上疏稱舉忠直欲帝置之御坐以為規誡

賈生草疏豈畏人非

漢賈誼傳

誼數上疏陳政事多所欲匡諫天子議任公卿之位絳灌東陽侯馮敬之屬盡欲害之乃毀誼

用之則

至捨之則歸旋領藩符俄司國計鋤革煩冗脩明課第

漢陳萬年傳元帝擢咸為御史中丞總領州郡奏事課第諸刺史

鄙晉室之鬻練

晉王導傳

時帑藏空竭庫中惟有練數千端鬻之不售導乃與朝賢俱制練布單衣練遂踴貴說文練布屬所呼切隋姚

察傳門生送南布花練桂海虞衡志練

小漢朝之造幣

子出兩江州洞似苧織有花曰花練

漢武帝紀元狩四年造白金及皮幣以足用

前籌未借斂笏還家

盧思道勞生論斂笏

升階詳濮陽公狀

再北非罪

史記刺客傳曹沫者魯人以勇力事魯莊公為魯將與齊戰三戰三

北齊桓公與魯會於柯曹沫執匕首劫桓公桓公乃許

盡還魯之侵地管晏傳管仲曰吾嘗三戰三北鮑叔不以吾為怯知吾有老母也

三黜何嗟

見論語

淮陽勁兵

漢灌

夫傳武帝即位以為淮陽天下郊勁兵處故徙夫淮陽太守

潁水豪族

見為濮陽公表

既佩

新印仍推舊轂

漢馮唐傳唐對曰臣聞上古王者遣將也跪而推轂

杜當陽何嘗

跨馬雄士

集作武

爭推

晉杜預傳孫皓既平振旅凱入以功進爵當陽縣侯預身不跨馬射不

穿札而每任大事輒居將率之列

祭征虜不廢投壺師人自睦

後漢祭遵傳遵

字弟孫建武二年拜征虜將軍取士皆用儒術對酒設樂必雅歌投壺

夷門地古梁苑藩

雄

見為柳  
珪啟

雙旌大旆

左傳城濮之戰晉中軍風於澤亡  
大旆之左旃雙旌見為懷州表

二矛重弓

詩二矛重弓箋  
備其折壞也

無忌御車惟求隱者

史記魏  
公子無

忌為人仁而下士致食客三千人魏有隱士曰侯嬴年  
七十家貧為大梁夷門監者公子從車騎虛左自迎侯  
生侯生上坐不讓  
公子執轡愈恭

相如謝病乃慕高風

謂病免游梁詳  
見為其先輩啟

方將副帝注心

晉庾冰傳由是朝  
野注心咸曰賢相

從時大願率周廟之

奔走

書武成曰祀於周廟邦  
甸侯衛駿奔走執豆籩

總漢庭之議論人之不幸

今也則亡莊子孰分其魍魎

莊子衆魍魎問于景景曰  
予蜩甲也蛇蛻也似之而

也秦醫莫救其膏肓

見代安  
平公表

鴈沼波瀾空聞悲咽兔園

臺榭

見為柳珪啟

祗見荒涼

庾信碑宅惟荒涼

某獲顧尤深蒙知甚

早公昔分茅

孔安國書傳王者封五色土為社建諸侯則各割其方色土與之燾以黃土苴以白

茅茅取其潔黃取王者覆四方歸以立社

愚嘗

集作當

視草於劉向論思之時

並見為汝南公表

贊孟舒長者之號

漢田叔傳叔頓首曰故雲中守孟舒長者也

及

茲出守實介親鄰音徽繼好

王儉褚彥回碑音徽與春雲等潤

寤寐依

仁常期異日克奉清塵

見為懷州表

何言永慟屬此嘉辰計

哀如昨歸轍攸遵林薄莽蒼

莊子適莽蒼之野者三日聚糧蒼上聲

川原

隱鱗

揚雄甘泉賦振殷鱗而軍裝善曰殷鱗言盛多也殷音隱

想諸葛之旗鼓空還



舊壘

蜀漢晉春秋楊儀等引軍而出宣王追馬姜維令儀反旗鳴鼓若將向宣王者宣王不敢逼儀結陣

而去蜀諸葛亮傳及軍退宣王按行其營壘處所曰天下奇才也

念伯喈之書

集作經

籍

已付何人

見為某先輩啟

候館攸開

見為舍人啟

丹幡遽至

丹幡丹旄也見

祭裴氏文 瞻望衛幕

詩瞻望弗及佇立以泣禮記布幕衛也繆幕魯也

連繇秦

一作秦非

時

東方朔非有先生論嗟乎余國之亡也繇繇連連漢郊祀志秦襄公作西時祠白帝宣公作密時祠青

帝靈公作上時祠黃帝下時祠炎帝高祖曰是侍吾而具五也乃立黑帝祠名曰北時

寄奠申訣

緘詞寫意終阻願於躬親徒加哀於殄瘁

詩人之云亡邦國殄瘁

嗚呼哀哉尚饗

為濮陽公祭太常崔丞文

年月日惟靈泰社繁祉

泰社謂泰山社首漢郊祀志周成王封泰山禪於社首應劭曰

山名在博縣晉灼曰在鉅平南十二里左傳東郭偃對

崔武子曰今君出自丁臣出自桓姓譜齊太公生丁公

伋伋生叔乙讓

安平望族

姓譜東萊侯生二子伯基仲牟伯基居清河東武城仲牟

國居崔因氏

居博陵安平

潤地勢於長源

易地勢坤

構堂基於修麓

詩自堂

藍

田之產宜有良玉

三秦記藍田出美玉

徂來之林宜無凡木

詩徂徠之

松水經注汶水西南流逕徂徠山西山多松栢詩所謂徂徠之松也鄒山記曰徂徠山在梁甫奉高博三縣界

猶有美松亦曰尤峽之山也

昔我待子松玉之間冀十城之得價

史記

蘭相如傳秦王欲以十  
五城易趙王和氏璧

望千尋而可攀

藝文類聚神境  
記曰滎陽郡南

有石室室後孤松千丈  
表宏詩森森千丈松磊砢非一節

大年不登

見代安  
平公表

逸足方

駛

傳毅舞賦良駿逸足蜀志楊洪為蜀郡太守舉門下  
書佐何祗後為廣漢太守洪常在蜀郡洪曰君馬何

駛曰故吏馬不敢駛  
但明府未著鞭耳

松欲秀而先蠹玉將攻而遽毀聞

問之時歎悼何已惟我承乏

見為懷  
州表

受命南征

吳志薛  
綜傳子

瑩獻詩曰珥泰  
千里受命南征

一言相許

漢伍被傳王曰男子之所死  
者一言耳師古曰言男子感

氣相許一言  
不顧其死

攜手同行

語見  
詩

曼絕萬里飄泊雙旌

見為  
懷州

表

念兩婢之價倍媿五穀之酬輕

世說祖光祿常自為  
母炊爨作食王平北

以兩婢餉之因取為中郎人有戲之者曰奴價倍婢祖  
云百里奚亦何必輕於五穀之皮邪注祖納溫嶠薦為  
光祿大夫王又別地接殊鄰俗殊鄰絕黨之域風移

中土

吳大鴻臚張儼默記魏氏誇中土

五嶺三江

初學記沈懷遠南越志曰廣信江始安江

鬱林江亦為三江在越也五嶺見為濮陽公表

炎風瘴雨

見陳情表

釣犀之潭

太平御覽

鄧德明南康記曰贛潭在郡下昔有長者於此潭以釣  
為事恒作漁父歌其聲慷慨忽綸動須臾一物形似水  
牛眼光如鏡或言水犀浮躍逐綸角帶金鐫釣客因引  
得鐫出水數十丈鐫斷餘數尺是珍寶明一統志金鐫  
潭在廣州府清遠縣東三十里相傳秦時崑崙貢犀牛  
帶金鎖走入潭中晉時有羅公者釣潭中收綸得金索  
曳之有犀牛出掣斷其索得一尺許按  
贛潭不隸桂管當以在清遠者為是

跼鳶之渚

後漢馬援

傳謂官屬曰當吾在浪泊西里間仰視飛鳶  
跼跼墮水中注跼跼墮貌音都牒秦牒二反  
席上從容

幕中宴語

並見前

先防載苾之謗

後漢書馬援在交趾常餌苾薏實以勝瘴氣軍

還載之一車及卒後有上書譖之者以為前所載還皆明珠文犀

更示投香之所

見為尚書

狀今南海縣西北二十八里有沉香浦亦曰投香浦

因使庸虛

徐陵與王僧智書還顧庸虛未應偕

此

不罹罪罟

詩罪罟不收

越井之首

當作首見陳情表

甘疑作

綏之

女

舊書地理志廣州南海郡領四會縣注武德二年以四會化蒙二縣置南綏州

時清則銅

一作

筒  
鐫納厨

博物志交州夷名狸子狸子弓長數尺箭長尺餘以焦銅為鐫塗毒藥於鐫鋒中人即死

歲稔則銀簪叩鼓

後漢馬援傳於交趾得駱越銅鼓注裴氏廣州記曰狸狴鑄銅為鼓鼓唯

高大為貴面濶丈餘初成懸於庭剋晨置酒招致同類來者盈門豪富子女以金銀為大釵執以叩鼓叩竟留

遺主人也豈我之自惟子是與相從來覲又往於涇箋新書王茂元

傳鄭注用事遷風埃古戍霜雪孤亭木華海賦爾其水府之內極深之庭

則有崇島巨鰲崕崕孤亭集作之服晉語申生衣縵胡之纓莊

趙太子惺謂莊周曰吾生塞迴而晨嚴刁斗漢李廣傳不擊刁斗

所見劒士皆縵胡之纓自衛孟康曰刁斗以銅作鐺受一斗晝炊飯食夜擊持

行故名曰刁斗今在滎陽庫中也蘇林曰形如鎗無緣師古曰鐺音焦溫器鎗即鉞也今俗或呼

銅鉞按刁如字俗掉尾作刁音韶謬也沙平而夜警

兜零見為中丞指吾以虜隙勉吾以武經左傳隨武子曰兼弱攻昧

武之善經也

正慰窮邊

出師頌窮域極邊

俄

集作忽

還京邑北庭減價

新書地理志北庭大都護府屬隴右道

南轅

一作園

雪泣

左傳令尹南轅返旆

章臺辟

掾方喜趙嘉之來

後漢書趙岐京兆長陵人初名嘉辟司空掾復為皮氏長會河東太守劉

祐去郡而中常侍左瑄兄滕代之岐恥疾

棘署選丞

北史

邢劭傳奏曰槐宮棘寺顯麗於中

仍見譙玄之入

後漢獨行傳譙玄字君黃已郡閬中人永

始二年詔舉敦樸遜讓有行義者各一人舉玄詣公車對策高第拜議郎

是焉踐歷更俟飛

翻

王粲贈蔡子篤詩苟非鴻鵬孰能飛翻

况乎鳳沼又接鵠原

晉書荀勗從中書監

遷尚書令人賀之乃發恚曰奪我鳳凰池卿諸人賀我邪謝莊謝中書令表壁門天遼鳳沼神深詩春令在原

兄弟急難杜甫詩鵲原

何覺成乎燥濕而厲結於寒暄

荒宿草鳳沼接亭衢

左傳子罕曰吾儕小人皆有閭廬

未及西山之藥

見上河東

以辟燥濕寒暑徐陵書亟積寒暄

公旋為東嶽之魂

鬼之說自哀平之際讖緯之書出然

啟

後有如遁甲開山圖所云泰山在左亢父在右亢父知  
生梁父知死博物志所云泰山一曰天孫言為天帝之  
孫主召人魂魄知生命之長短者其見於史者則後漢  
書方術傳許峻自云嘗篤病三年不愈乃謁泰山請命  
烏桓傳死者魂靈歸赤山赤山在遼東西北數千里如  
中國人死者魂神歸泰山也三國志管輅傳謂其弟辰  
曰但恐至泰山治鬼不得治生人如何而古辭怨歌行  
云齊度游四方各繫泰山錄人間樂未央忽然歸東嶽  
陳思王驅車篇云魂神所繫屬逝者感斯征劉楨贈五  
官中郎將詩云常恐游岱宗不復見故人應璩百一詩



云年命在桑榆東嶽與我期然則鬼論之興其在東京之世乎

憶昔舊許員歸

員與云同左傳

楚靈王曰昔吾皇祖

青門出餞

三輔黃圖長安城東出南頭第一門曰霸城門

伯父昆吾舊許是宅

民間或曰青門漢疏廣傳公卿大夫故人邑子設祖道供帳東都門外

樂作而歎起

左傳享曹

太子初獻樂奏而歎施父曰杯行而淚泣

王粲公宴詩但慙杯行遲

俱容與

集作悔各非

於風波

屈原九章船容與而不進兮淹回水而疑滯鮑曰容與徐動貌

謝靈運詩辛勤風波事

共沉吟於羽箭

後漢隗囂傳牛邯沉吟十餘日乃謝士衆釋名箭旁

曰羽如鳥羽也鳥須羽而飛箭須羽而前也

揮袂如昨

晉夏侯湛傳抵疑曰揮袂出風雲

郵

書甚頻

後漢張衡傳奏記曰使人未返復獲郵書

雖遙道里

後漢寇恂傳長安道里居中應

便 接近

未潤聲塵

見謝河東公啟

孰謂念歸之日翻為有慟之晨

嗚呼哀哉髣髴荒阡依稀古陌

沈約詩荒阡亦交互風俗通南北曰阡東西曰

陌 徐動丹旄

見為絳郡公文

永歸玄宅

魏志文帝紀注甄城侯植為誄曰背三光之昭

晰兮歸玄宅之冥冥

願執紼而身遠

禮記助喪必執紼

想移舟而莫極

莊子

藏舟於壑謂之固矣夜半有力者負之而走昧者不知也

迴夜秋思羣山暮色恨白

髮之衰翁哭青雲之舊客

史記伯夷傳非附青雲之士惡能施於後世

聊茲

寄莫莫寫西悲

詩我東曰歸我心西悲

已乎崔子為吾歆之

為裴懿無私祭薛郎中

裴

文

無字疑衍文新書世系表裴懿太子舍人

○按薛袞乃懿之姻戚玩文意薛乃出守蘇湖之間而卒者時懿謫嶺外未得躬視其寔故有或期他日式返中華云云

伏惟靈佐商宣業

左傳薛之皇祖奚仲居薛以為夏車正奚仲遷於邳仲虺居薛以為湯

左相朝薛傳規

左傳公曰寡人若朝於薛不敢與諸任齒

門崢層構堂嶸崇基

玉生藍岫

見為濮陽公文

芝產銅池

漢宣帝紀金芝九莖產於函德殿銅池中

梧高

佇鳳

韓詩外傳鳳止黃帝東園集梧樹食竹實沒身不去

蓮馥停龜

史記龜策傳神龜巢蓮上

有美令人

見代李玄文

再稱清劬

見為濮陽公表

訓在詩禮

漢書韋賢傳兼

通禮尚書以詩教授號稱鄒魯大儒本始三年為丞相封扶陽侯叙傳扶陽濟濟聞詩聞禮

樂惟名

教

世說王平子胡母彥國諸人皆以任誕為達或有裸體者樂廣笑曰名教中自有樂地何為乃爾也王

謝標格曹劉才調

曹植劉楨也劉熙文心雕龍揚班之倫曹劉以下

清如濯熱

之風

詩誰能執熱逝不以濯

明若觀朝之燎

詩庭燎之光傳庭燎大燭箋於庭設火燭

使諸侯靈臺委鑒

莊子不可納於靈臺注靈臺者心也

虛室融和

莊子虛室生白

注人能虛心遊世則純白備於內

秋水望濶

莊子秋水時至百川灌河兩涘渚涯之間不辨牛馬

春臺上多

老子衆人熙熙如登春臺

鄉塾掉鞅

禮記古之教者家有塾左傳樂伯掉鞅而

還文林勵戈

見為李貽孫啟

硯橫河漢

論衡漢作書者多司馬子長揚子雲河漢也其

餘涇渭也紙落煙波

潘岳楊荊州誄翰動若飛紙落如雲澤杜甫飲中八仙歌揮毫落紙如雲煙

# 宮狸首

禮記天子將祭必先習射於澤澤者所以擇士也又諸侯以狸首為節

## 棘場楊葉

新書舒元興傳元和中舉進士入列棘圍席坐廡下李肇國史補得第謂之前進士其都會謂之舉場戰國策養由基去楊葉百步射之百發百中

## 箭去星慙

賀凱詩帶星飛夏箭

## 弓懸月怯

庾信馬射

賦弓如明月對棚

## 兩書上第

新書選舉志凡進士試時務策五道帖一大經經策全通為甲第策

通四帖過四以上為乙第

## 五辟名公

選舉志沈既濟疏六品以下或僚佐之屬聽州府辟用

## 馬

## 卿賦雪

謝惠連雪賦授簡於司馬大夫曰抽子祕思騁子妍辭侔色揣稱為寡人賦之

## 陳琳愈

## 風

見為濮陽公表

## 平臺竹苑

漢書梁孝王廣睢陽城治複道自宮連屬於平臺三十餘里枚乘兔

園賦修竹檀欒夾池水水經注城東二十里有平臺梁王與鄒枚相如之徒極遊於其上睢水東南流歷於竹

圃水次綠竹蔭渚菁菁實望世人言梁王竹園也

淮山桂藂

見為張周封啟

營分細柳

見為賀拔員外啟

幕染芙蓉

見為同州啟

顯備臺僚榮徙

集作從是

憲秩

冠峨鐵勁

通典侍御史一名柱後史謂冠以鐵為柱

衣明繡密

漢雋不疑傳暴勝之為直

指使者衣繡衣持斧督課郡國威振州郡

霜下簡端

通典御史為風霜之任故曰霜臺御史故事按

事彈奏白簡為重黃簡為輕

風生落筆

崔瑗御史箴簡上霜疑筆端風起

庭夜烏迴

見為懷州表

天秋隼疾

見為絳郡公啟

帝念允職任於諫垣

元稹詩諫垣陳

好惡 依違絕想從容敢言

謝承後漢書夏勤從容議論

攀檻而空留跡

在

見為濮陽公表

削藁而不見書存

漢孔光傳光典樞機十餘年時有所言輒削草藁

女史護衣

漢官儀尚書郎入直臺殿中給女侍史二人皆選端正指使從直女侍史執香爐燒薰以

從入臺中給

太官供食

通典尚書諸曹郎太官供食物湯官供餅餌及五熟果實之類

使護衣服

五日一美食

伏奏多可

通典尚書郎奏事則與黃門侍郎對揖黃門侍郎稱已聞乃出

下天子一等

漢汲黯傳黯前奏事上不冠望見黯避帳使人可其奏

分曹著績

初學記西漢置尚書郎四人光

武分尚書為六曹每一尚書

帳煖錦麗

見為絳郡公啟

闡明粉

則領六郎凡三十六郎焉

白

見為絳郡公文

既題柱以如田

後漢書田鳳為尚書儀容端正每奏事靈帝目送之因題

柱曰堂堂乎

亦償金而類直

漢直不疑傳不疑為郎事文帝其同舍有告歸誤將

張京兆田郎

持其同舍郎金去已而同舍郎覺亡金意不疑不疑謝有之買金償後告歸者至而歸金亡金郎大慚以此稱

為長  
者 漢榮出牧

後漢光武紀初斷  
州牧自還奏事

晉議州兵

左傳晉於  
是乎作州

兵  
廉袴歌送

見為榮  
陽公狀

劉錢贈行

後漢循吏傳劉寵拜會  
稽太守徵為將作大匠

有五六老叟人齎百錢以送寵曰明府下車以  
來狗不夜吠民不見吏寵為人選一大錢受之

濟南之

誅巨猾

漢鄧都傳濟南閻氏宗人三百餘家豪猾二千  
石莫能制於是景帝拜都為濟南守至則誅閻

氏首惡餘  
皆股慄

揚州之試諸生

漢何武傳武為揚州刺史行  
部必先即學官見諸生試其

誦論問  
以得失

虎去江靜

後漢書宋均遷九江郡多虎暴數  
為人患均到虎相與東浮渡江

珠

來岸明

後漢循吏傳孟嘗遷合浦太守海出珠寶先時  
守宰並多貪穢珠遂漸徙於交趾郡界嘗到官

去珠  
復還

神豈好謙

易鬼神害盈而福謙  
人道惡盈而好謙

天寧秩禮

書天秩  
有禮



蠹華國之明品

見為榮陽公狀

喪士林之模楷

吳志魯肅傳交遊士林後漢書

天下模楷李元禮

使為善者奪氣求仁者解體

左傳諸侯聞之其誰不解體

已不駐乎卿雲

見下序

竟何窺於伏濟

山海經王屋之山聯水出焉西北流

注於秦澤注聯沈聲相近即沅水也水經注沅水潛行地下至共山南復出於東丘今原城東北有東丘城孔

安國曰泉源為

長洲樹古茂苑山春

漢枚乘傳脩治上林不如長洲之苑

沅流去為濟

服虔曰吳苑孟康曰以江水洲為苑也韋昭曰長洲在吳東吳都賦佩長洲之茂苑

橘稅既集

任昉

述異記越多橘柚園越人歲出橘稅葉夢得書傳橘性極畏寒今吳中橘亦惟洞庭東西兩山最盛地必面南

為屬級次

茶征是親

新書食貨志貞元九年諸道鹽鐵使張滂奏出茶州縣若山及商人

第便受日

要路以三等定估十稅其一歲得錢四十萬緡舊書德宗紀茶之有稅自此始

**鷓鴣度雪而未遠**

鷓鴣與鷓鴣同鷓鴣水鳥似鷺而大高飛能風雨春秋僖公十有六年六鷓鴣退飛過宋都穀梁傳鳥將進遇風退飛相

接而過宋都按上文言長洲茂苑則薛稷嘗官於吳郡雪水在吳興界中與吳郡無涉雪當作雲字之訛也

**鵲下亭而唳頻**

晉陸機傳華亭鵲唳豈可復聞乎

**翟虜氛興**

左傳楚氛甚惡注氛

氣也言楚有襲晉之氣新書回鶻傳武宗時回鶻奉太和公主至漠南入雲朔割橫水殺掠甚衆轉側天德振

武間按翟虜**殷楹夢起**

禮記夫子曰丘也殷人也予疇昔之夜夢坐奠於兩楹之間夫

明王不興天下其孰能宗予予殆將死也

**帳入飛鵬**

西京雜記賈誼在長沙鵬鳥集其承塵俗以鵬

鳥至人家主人死誼作鵬鳥賦按釋名承塵施於上以承塵土蓋即此所謂帳也

**牀驚鬬蟻**

世說

殷仲堪父病虛悸聞牀下蟻動謂是牛鬪

鄭玄知數

後漢鄭玄傳玄夢孔子告之曰起起今年歲在

辰來年歲在巳既寤以讖合之知命當終有頃寢疾其年六月卒年七十四

阮瞻無鬼

幽冥錄阮

瞻素秉無鬼論有一鬼通姓名作客詣之變為鬼形須臾便滅阮年餘病死

終自膏肓

見代安平

公傳於骨髓

史記扁鵲傳扁鵲過齊望見桓侯而趨走曰疾之居腠理也湯熨之所及也在血脉

鍼石之所及也其在腸胃酒醪之所及也其在骨髓雖司命無如之何今在骨髓臣是以無請也桓侯遂死

嗚呼哀哉丹霄萬里

賈誼詩青青寒雲上拂丹霄北堂書鈔雜字解詁云霄摩天赤氣也

建木千尋

見為柳珪啟

坦坦清路瞳瞳

一作幢幢

翠陰三襲臺迴

三襲未詳魏書李騫釋情賦云對九重之清切望八襲之崢嶸益襲即重也

九重禁深

見為成魏

州中懸旒宸

謂冕旒  
黼宸

下集華簪

錢起詩羞將  
白髮對華簪

無非東箭

見為榮  
陽公狀

盡是南金

見為同  
州啟

或扶傾作棟

後漢隗囂傳  
扶傾救危

或

望旱為霖

見上時  
相啟

顯允明公

詩顯允  
方叔

宜膺百福

詩千祿  
百福

夜暗神昧

史照通鑑疏引諺云  
福至心靈禍來神昧

天長景促

見為榮  
陽公狀

青女

變霜

淮南子秋三月青女乃出以降霜雪  
高誘曰青女青腰玉女主霜雪也

羲和納旭

廣雅

日御曰羲和  
詩旭日始旦

悄隨掌以銷璣

劉琨答盧諶詩序夜光  
之珠何得專翫於隨掌

慨

周閑之喪駮

穆天子傳天子命駕八駿之乘右服  
驂騮而左駮耳周閑見為中丞狀

永惟

清族本富才人有弟則陸

世說蔡司徒在洛見陸機兄  
弟住參佐解中三閭瓦屋士

龍住東頭士  
衡住西頭

無兄不苟

後漢荀淑傳淑有子八人儉緄靖肅注與肅瞻並有名稱時人

謂之八龍

原鵠奕奕沼鴈馴馴

並見前

珩奇動楚

晉語楚王孫圉聘於晉趙

簡子問曰楚之白珩猶在乎

璧賁傾秦

見為濮陽公文

永矣彼蒼

詩彼蒼者天

胡

然人事

詩胡然而天也

但續椿壽

見為榮陽公狀

徒高鶴位

左傳狄人伐衛衛懿

公好鶴鶴有乘軒者將戰國人受甲者皆曰使鶴鶴實有祿位余馬能戰

摧壓光價

隋盧思道傳孤

鴈賦云剪拂吹噓長其光價

掩淪聲味

中論六塵色聲香味觸法

潁不濁而殄濯

宗

見為濮陽公表

淮未絕而傾王氏

晉王導傳初導渡淮使郭璞筮之曰吉無不利淮水

絕王

某因承

集作申因非

中外

後漢列女傳文姬詩曰又復無中外

獲奉恩知

通孔李道德之舊

見為同州啟

兼盧劉姻戚之私

劉琨答盧諶詩郁穆

舊恩嫵婉新婚善曰臧榮緒晉書琨妻即諶之從母諶贈琨詩申以婚姻著以累世向曰婚姻謂諶妹嫁琨弟

鑄顏有契

見為舉人啟

全趙為期

見為張周封啟

靜龍門之風水

見為

同州啟

剗羊腸之嶮巖

見為河南表

空欲銘恩何酬樹德

韓子

曰善為吏者樹德

庇孤根于高援

文選有謝靈運田南樹園激流植援詩銑曰引流水種木

為援如牆院也

許嘉姻于弱植

左傳子產如陳曰其君弱植

將歡宋子

詩豈其取

妻必宋之子

俄放湘南

文選序楚人屈原遂放湘南

綬黃楚徼

初學記四百三百二

百石皆黃綬一米純黃圭長丈五尺六十首

鬢

一作鬢

白昭潭

後漢岑彭傳勅彭書曰每一發

兵頭鬢為白水經注湘水北過臨湘縣西又北逕昭山  
西山下有旋泉深不可測故言昭潭無底也亦謂之湘

潭歸止未卜

詩既曰歸止  
曷又懷止

棄予是甘

詩將安將樂  
棄予如遺

許靖

之悲方極

見為監  
州狀

王粲之憂不堪

王粲登樓賦登茲樓  
以四望兮聊暇日以

銷猶辱重言

見為張  
周封啟

將敦故約玉無改行

周語先民有  
言曰改玉改

行

金不如諾

見為張  
周封啟

勗大義於幽沉軫遐心於漂泊

並見

前使者尚在凶書已來

北史李順傳吉  
書記皆合典則

鴈足空遠

漢蘇

武傳天子射上林中得鴈足  
有繫帛書言武等在其澤中

魚腸不回

古詩客從遠方  
來遺吾雙鯉魚

呼童烹鯉魚  
中有尺素書

淚和峽雨

說苑鮑叔死管子舉上  
祗而哭之泣下如雨

哭振已

雷

世說顧長康哭桓宣武聲如震雷破山淚如傾河注海

孰澆枯鮒

見為張周封啟

誰熱

寒灰

見代僕射表

今則言去郴江

水經注黃水出郴縣西黃山北流注於耒水謂之

郴口新書地理志郴州桂陽郡治郴縣元和郡縣志郴

水流經州東一里輿地紀勝郴水在郴縣南四十里源

出黃岑山至當移澧浦

屈原九歌遺余佩兮澧浦採裴祭薛在郴州時又量移澧州而

也欲去稍脫疑網猶罹罪罟念申慟以無期豈沈寃之可

吐嗚呼哀哉執紼路阻

見為濮陽公文

佳城望賒

滕公石槨銘語

凌空

乏翼

古詩諒無晨風翼焉能凌風飛

上漢無槎

見為濮陽公表

或期他日式返

中華認楊

一作羊非公之石馬

西京雜記陳縞見張丞相墓前石馬水經注譙城南有曹



萬冢東西列對兩石馬○箋按後漢書楊震傳順帝即位下詔以禮改葬於華陰潼亭遠近畢至先葬十餘日有大鳥高丈餘集震喪前悲鳴淚下霑地葬畢乃飛去於是時人立石鳥象於其墓所注引謝承書曰其鳥五色高丈餘翼長二丈三尺人莫知其名也此文石馬當作石鳥蓋冢前石馬所在多有隨舉一人皆可何必楊公故知馬為鳥字之誤楊或作羊亦謬

### 撫周苞之辟邪

漢西域傳烏弋山離國有桃拔師子

犀牛孟康曰桃拔一名符拔似鹿長尾一角者或為天鹿兩角者或為辟邪後漢靈帝紀注今鄧州南陽縣北有宗資碑旁有兩石獸鐫其膊一曰天祿一曰辟邪○按後漢書宦官封侯無所謂周苞者據水經注湮水東逕犂縣故城北出於魚齒山下水南有漢中常侍長樂太僕吉侯苞冢冢前有碑基西枕岡域開四門門有兩石獸墳傾墓毀碑獸淪移人有掘出一獸猶全不破甚高壯頭去地減一丈許作制甚工左膊上刻作辟邪字

其碑云六帝四后是諮是諏蓋任自安帝沒於桓后也  
義山益用此事今水經注本訛缺最多吉恐是周字之  
誤或集誤以吉為周亦未  
可知史無其人莫可考矣  
况良冶規存見為絳遺經業郡公啟

在見為河臧孫有後左傳桓公二年取郕大鼎於宋臧哀伯諫周內史聞之曰臧孫達其

有後於魯乎君違魏萬必大敢期陋質終託餘見為成

光漢王莽傳誠上韋平之紹續無望見為李秦晉之婚沐陛下餘光

姻豈忘左傳晉侯之入也秦穆公屬賈絮酒無幾謝承

書徐穉諸公所辟雖不就有死喪負笈赴弔嘗於家豫

炙雞一隻以一兩繇絮漬酒中暴乾以裹雞徑到所起  
塚隧外以水漬繇使有酒氣斗米飯白茅為  
藉以雞置前灑酒畢留謁則去不見喪主  
生芻是將

後漢徐穉傳郭林宗有母憂穉往弔之置生芻一束於廬前而去

辭多失次

北史高允傳景穆曰

天威嚴重允迷亂失次耳

淚數無行

庾信詩垂淚有千行

冀桂旌之不遠

九歌

辛夷車兮結桂旗

降蘭佩之餘芳

離騷紉秋蘭以為佩

嗚呼哀哉尚饗

祭呂商州文

新書地理志關內道商州上洛郡領縣六上洛豐陽洛南商洛上津乾元

詳文意似代鄭亞故有三湘五嶺之語

惟靈族光鈞渭

見賀相國啟

慶顯歌齊

左傳吳公子札請觀於周樂為之歌齊曰

美哉泱泱乎大風也哉表東海者其太公乎

竹分東箭

見為蒙陽公狀

玉奪南珪委

蛇霄路

詩退食自公委蛇委蛇

睥睨雲梯

漢田蚡傳睥睨兩宮間師古曰睥睨傍視也

本作瞬與睥同謝靈運詩共登青雲梯

淺牙洞鼠

牙弩牙也漢書千鈞之弩不為鼯鼠發機短

办分犀

王褒頌水斷蛟龍陸剗犀革

古聖堂奧

後漢班固傳窮先聖之壺奧

前賢

町畦

莊子彼且為無町畦亦與之為無町畦

湔腸効藥

史記庶子曰俞附療病湔洗腸胃

刮膜留篋

溫縣經有盲人請良醫醫即以金篋刮其眼膜

彈琴而放臣見釋

左傳

晉侯觀於軍府見鍾儀問曰南冠而縶者誰也有司對曰鄭人所獻楚囚也使稅之問其族對曰伶人也使與之琴操南音

買賦而妬后還閨

長門賦武帝陳皇后得幸頗妬別居長門宮

公使歸求成

愁悶悲思聞司馬相如工為文奉黃金百斤為相如文君取酒相如為文以悟主上皇后復得幸

既步

京國

曹植王仲宣諒我公實嘉表揚京國

亦薦鄉里

晉沈充傳頗以雄豪聞於鄉里

與田

蘇游

左傳韓獻子告老公族穆子有廢疾將立之辭曰請立起也與田蘇游而曰好仁

有太叔

美

左傳北宮文子言於衛侯曰子太叔美秀而文

鄴都才運

見為柳珪啟

洛陽年齒

見為東川啟

何晏神仙

世說何晏七歲明慧若神魏武帝奇愛之

張良女子

漢張良傳

贊曰聞張良之智勇以為其貌魁梧奇偉反若婦人女子

禮闈之擅譽也如彼冊府

之傳名兮若此

並見表

囊成內殿之帷

漢東方朔傳孝文皇帝集上書皂囊

為殿帷

書貴皇都之紙

晉書左思三都賦成一時競傳洛陽為之紙貴曹植詩肅承明詔應

會皇都

中臺南省

並見表

諫署戎藩才難價重政舉人存蓮

池易曉

見為同州啟

蘭圃多暄

拾遺記崑崙山第九層有芝田蘭圃

涵波獨躍

弄影孤翻王粲樓中常經暇日

見為裴懿文

揚雄宅裏幾弔

遺魂

左思詩史詩寂寂揚子宅門無卿相輿漢書揚雄傳又怪屈原文過相如至不容作離騷自投江而

死乃作書往往撫離騷文而反之自岷山投諸江流以弔屈原名曰反離騷

參差觀閔

詩觀閔既

多受侮不少

萋斐成冤

詩萋兮斐兮成是貝錦

漢庭毀誼楚國讒原建

禮門內明光殿外

三秦記桂宮中有明光殿皆金玉珠璣為簾箔金紀玉階晝夜光明餘並

見前直金既肆於猜疑

見為裴懿文

魏被竟從於沙汰

見為安平公表

蒙犯霜露

左傳子太叔曰跋涉山川蒙犯霜露

支離埃壒

莊子支離其形者猶足以養其

身終其天年又况支離其德者乎魏都賦越埃壒而資始翰曰埃壒塵昏之氣

厲山遙鬱于朝

嵐

帝王世紀神農本起烈山故曰烈山氏一曰厲山氏春秋僖公十有五年齊師曹師伐厲注厲楚與國義

陽隨縣北有厲鄉太平御覽荊州圖記曰永陽縣西北二百三十里厲鄉山東有石穴昔神農生於厲鄉禮所謂烈山氏也春秋時為厲國穴高三十丈長二百丈謂之神農穴韻府嵐山氣也

澦水傍奔其

素瀨

左傳除道梁澦營軍臨隨注澦水在義陽厥縣西東南入澗水任昉行狀素瀨交輝說文瀨水流沙

也上猶懷毒草過農井以低窺

淮南子神農嘗百草之滋味一日而七十毒荊州記

隨郡重山有一穴傳云神農所生地有九井神農既育九井自穿

尚憶神珠向隨臺而

獨酌

寒宇記隨侯臺在隨縣北八里隨侯所築放彈之所說文酌酸祭也按厲山至此謂呂自省郎謫官

隨渚宮貳尹

左傳王在渚宮明一統志在江陵故城東南梁元帝即位渚宮即此按渚宮貳尹謂

自隨遷江陵

相府中郎

南史朱修之傳文帝謂曰卿曾祖昔為王導丞相中郎卿今又

為王弘中郎可謂不忝爾祖矣

將申護屈

易尺護之屈以求伸也

欲復駕行

杜甫詩五

更三點入鶴行

朱幡意氣卓益輝光

白頭吟男兒重意氣何用錢刀為朱幡卓益並見為

懷州表

訓說則馬季長之居南郡

後漢馬融傳融字季長桓帝時為南郡太守常

欲訓左氏春秋及見賈逵鄭眾注但著三傳異同說

風流則殷仲文之守東陽

庾信

枯樹賦殷仲文風流儒雅海內知名代異時移出為東陽太守

劉寵一錢

見為裴懿文

鄧攸

五鼓

晉鄧攸傳攸為吳郡守俸祿無所受唯飲吳水而已後稱疾去職數千人留牽攸船不得進攸乃小

停夜中發去吳人歌曰統如打五鼓雞鳴天欲曙鄧侯挽不留謝令推不去

遂解郡符來登



書府

孔安國尚書序藏之書府以待能者

儒林文囿

漢成帝紀詔曰儒林之官四海淵源文選

序歷觀文囿

瑶山瓊圃鉛槧朝閱

見為絳郡公文

芸籤夜數

為見

泛覽辭林

安平

瓜當鄭灼之心

梁書鄭灼字茂昭勵志好學多苦心熱若瓜時輒偃卧以爪鎮心起

便讀

錐在蘇秦之股

戰國策蘇秦讀書欲睡引錐自刺其股血流至足

是從佐

理於彼東周雷喧洛派電掣嵩丘

潘岳懷舊賦前瞻太室傍眺嵩丘良曰太

室嵩丘皆

玉泉嘉月

玉泉未詳按玉泉當在河南縣界懷慶府志濟源縣龍水北有玉泉

中嶽名

唐盧仝嘗汲此泉烹茶亦名玉川井則在河北恐非又

明一統志宜陽縣東南有噴玉泉地亦回遠新書王維

傳武后幸玉泉

金谷清秋

石崇金谷詩序余有別廬在河南縣界金谷澗中或高或

祠疑即其地

下有清泉茂林衆果竹栢藥草之屬莫不畢備水經注  
穀水又東左會金谷水水出大白原東南流厯金谷又  
東南逕晉尉石崇之故居也明一  
陳思王之羅襪

洛神

賈凌波微步  
羅襪生塵

郭有道之仙舟

見為山南啟

不無賦詠聊以優

游漢入峽關

漢高帝紀沛公攻武關入秦趙高遣將將  
兵距峽關應劭曰峽音堯峽山之關李奇

曰在上洛北藍田南武關之西

晉分陰地

左傳蠻子赤奔晉陰地楚司馬  
敗使謂陰地之命大夫士

蒧曰將通於少習以聽命注陰地河南山北自上維以  
東至陸渾少習武關也將大開武關道以伐晉水經注  
丹水自商縣東南流厯少習出武關京相璠曰楚通上  
洛阨道也文頴曰武關在浙縣西一百七十里弘農界

藉賢太守之政有古諸侯之貴

謂呂自東都遷商州刺史

載揚筆陣

太平御覽王右軍題衛夫人筆陣圖後曰紙者陣也筆者刀稍也墨者鏊甲也硯者城池也本領者將軍也心意者副

將也

復清劒氣

任昉宣德皇后令劒氣凌雲而屈迹於萬夫之下

長卿消渴

見為絳郡公啟

士安風痺

晉書皇甫謐字士安年二十始受書得風痺疾猶手不輟卷

逝川

幾歎于不迴

鮑照詩東海逆逝川西山道落暉

朝露俄聞于溘至

江淹恨賦

朝露溘至握手何言注李陵謂蘇武曰人生如朝露何久自若如此

嗚呼昔也風塵投分

平生少年雕龍競巧

見為柳珪

倚馬爭妍

見代彭陽公表

開襟隨

岸

王粲登樓賦向北風而開襟左傳楚武王伐隨注隨國今義陽隨縣庾信賦隨岸蛇生而珠死

促膝

伊川

杜甫詩夜如何其初促膝左傳辛有適伊川注周地伊水也

月中乃共誇科桂

虞喜安天論俗傳月中有仙人桂樹令視其初生見仙人之足漸以成形桂樹復生百涉難阻月中有桂高五

百丈下有一人常斫之樹創隨合人姓吳名池裏亦相剛西河人學仙有過謫令伐樹詳謝宗卿啟

矜幕蓮

見為同州啟

劉擣屢擣

晉書劉毅於東堂聚擣捕大擣桓玄曰劉毅家無擔石之

儲擣捕一擣百萬

畢甕多眠

晉書畢卓為吏部郎比舍郎酒熟卓夜至其甕間盜飲之醉卧其下

為掌酒者所縛

終以世務紛綸

後漢井丹傳京師為之語曰五經紛綸井大春

物情推

斥

見為蒙陽公狀

撫事傷年

南史齊武帝諸子傳嶷上表曰撫事未往載傷心目

減歡加

戚路泣楊朱

淮南子楊朱見歧路而哭之為其可以南可以北

絲悲墨翟

淮南子墨

子見練絲而泣之為其可以黃可以黑也

縱風至而音來竟月同而地隔

見為

山南

逮予廉部及子頒條華樽旨酒綺席嘉肴

陸陸石闕銘楚

其綺席善曰六韜紂時婦人以文綺為席衣以綾紈者三千人詩雖無嘉穀式食庶幾

各懸章綬

俱失簞瓢雖論金而契在

易二人同心其利斷金

終照玉而顏凋

陸機詩玉顏伴瓊鞋

子牟之思魏闕望之之憶漢朝

並見表

誠知舌

在

史記張儀傳楚相亡璧門下意張儀掠笞數百其妻曰子毋讀書游說安得此辱乎張儀謂其妻曰視吾

舌尚在否妻笑曰

不覺魂消

江淹別賦黯然銷魂者唯別而已矣

書斷三

湘

梁書天監中寶誌道人為符書云起自汝蔡訖於三湘後侯景果起於懸瓠汝水之南而敗於巴陵三湘

之浦元和郡縣志侯景浦在巴陵縣東北十二里本名三湘浦岳州府志三湘浦在臨澧縣南四十五里城陵磯

下以湘水合瀟水曰瀟湘合蒸水曰蒸湘合沅水曰沅湘故曰三湘也

哀聞五嶺

見前表

天

涯地末

古詩各在天一涯

高秋落景重疊憂端

杜甫詩憂端齊終南

縱橫

淚綆

王粲詩涕下如綆縻

漏虬夜促

孫綽漏刻銘靈虬吐注陰蟲承瀉

隙駒朝騁

見代僕射表

怨藻績之無睢

見為舉人啟

惜陽春之亂郢

見謝河東公啟

言念令季託余屬城

陸機吳趨行屬城咸有士

鵠原鴈序昔日懽情

蠻圻瘴嶠今日

一作朝

哭聲慙支體遽亡於手足

見上尚書啟

況弟兄不如其

集作于

友生

詩雖有兄弟不如友生

嗚呼厚夜依臺

左傳從先君於窀穸注窀厚也窀夜也

窮泉訪路

見為王侍御表

已已金骨

十洲記東

海之西岸有扶桑人食其榘體骨皆作金色高飛翔空

嗟嗟玉樹

見代李玄文

莫和哀

挽

隋煬三子傳虞世基哀冊文曰聽哀挽之淒楚

空陳薄

一作奠

具銜萬里之遐

誠託千辭之寄喻異時松楸枯朽

謝朓哀策文映輿鏹於松楸鏹馬亡反注

馬冠

羊虎傾頽

水經注成陽縣有仲山甫冢羊虎傾低破碎畧盡在靈臺之東北又汝水別瀆

東逕蔡岡北岡上有平陽侯相蔡昭家羊虎傾低殆存

而已姚旅露書今人墓前有石羊石虎按石羊天祿也

似鹿非鹿名曰桃拔石虎辟邪也似虎非虎而能食虎

輯柳編謂石麟辟邪乃帝王陵寢所用故改用羊虎然

漢宗資非帝王墓前

草宿苔厚

禮記朋友之墓有宿草而不哭焉

門平

闕摧

門謂墓門闕謂碑闕詩墓門有梅水經注汝水東南流逕弘農太守張伯雅墓塋四周疊石為垣表

二石闕夾對石獸於闕下又蔡昭冢有石闕闕前有二  
碑碑字淪碎不可復識宋樂府三更書石闕憶子夜啼  
碑又石闕生口尚期越禮顏延年之五君詠用寫餘哀晉  
中銜碑不得語越禮自驚衆  
石虔傳況在餘哀豈得辭事按此言他日過墓  
時雖久而猶哀違宿草不哭之義故云越禮也  
靈今不  
昧儻或來哉

### 奠相公令狐公文

箋舊書開成元年檢校左僕射  
興元尹充山南西道節度使二

年十一月卒於鎮年七  
十二冊贈司空謚曰文

戊午歲丁未朔乙亥晦弟子玉谿李商隱

新書藝文志  
有玉谿生詩

三卷 叩頭哭奠故相國贈司空彭陽公嗚呼昔夢飛塵

見為



其先  
輩啟

從公車輪今夢山阿

括地志桓公冢在臨淄縣牛山上管仲冢在牛山之阿陶

潛挽歌死去何所  
道託體同山阿

送公哀歌古有從死今無奈何

詩序黃鳥

者哀三良也國人刺穆公  
以人從死而作是詩也

天平之年

舊書地理志天平軍節度使治鄆州

管鄆齊曹隸四州○箋舊書令狐楚傳太和三年進位  
鄆州刺史天平軍節度鄆曹濮觀察等使新書本傳楚

徙天平宣武  
皆表署巡官

大刀長戟

漢書楊惲傳惲怒持大刀鼂錯  
傳兩陣相近平地淺草可前可

後此長戟  
之地也

將軍樽旁一人衣白

日知錄人主左右亦有  
白衣南史恩倖傳宋孝

武選白衣左右百八十人魏書恩倖傳趙修給事東宮  
為白衣左右茹皓充高祖白衣左右唐李泌在肅宗時

不受官帝每與泌出軍人環指之曰衣黃者  
聖人也衣白者山人也則天子前不禁白

十年忽然

本集九日詩十  
年泉下無消息

蛭宣甲化

見為絳郡公文

人譽公憐人譖公罵

公高如天愚卑如地脫蟪如蛇

見為絳郡公文

如氣之易愚調

京下

南史陳後主紀  
恐京下為過

公病梁山

謂卒於興元鎮新書地理志興元府漢中郡南

鄭縣有  
中梁山

絕崖飛梁山行一千草奏天子鐫辭墓門臨絕

丁寧託爾而存

見遺表

公此去邪禁不時歸鳳棲原上新

舊衮衣

原註公先人  
亦贈司空

有泉者路有夜者臺

並見前

昔之去

者宜其在哉聖有夫子廉有伯夷

見孟子

浮魂沉魄公其

與之故山巍巍玉谿在中送公而歸一世蒿蓬

見為同州啟

嗚呼哀哉

祭長安楊郎中文

幾舊書楊虔卿虔卿號州弘農人從兄汝士汝士弟魯士字

宗尹本名殷士長慶元年進士擢第其年詔翰林覆試殷士與鄭朗等俱覆落因改名魯士後登制科位不達而卒初汝士中第有時名遂歷清貫其後諸子皆至正卿鬱為昌族所居靖恭里知溫兄弟並列門戟咸通中昆仲子孫在朝行方鎮尚十餘人

年月日謹以云云之奠祭于宗尹郎中之靈昔莊南華

之言物故則曰若巨室之偃歸人

舊書玄宗紀莊子號曰南華真人所著書

改為真經劉熙釋名漢已來謂死為物故言諸物皆朽故也莊子莊子妻死方箕踞鼓盆而歌曰人且偃然寢

於巨室而我噉噉然隨而哭之自以為不通乎命故止也

陶貞白之語玄機則曰雖

頑仙不如才鬼

南史陶弘景字通明十歲得葛洪神仙傳便有養生之志終身不娶止於句容

之句曲山自號華陽陶隱居大同三年卒謚貞白先生晏殊類要引法書要錄陶隱居與梁武帝啟云每以為

作才鬼亦當勝於頑仙

邈矣高論

蔡邕表揚碑邈矣高蹤孰能克茲

皜然深旨

史記

屈原傳皜然泥而不滓者也

有感斯文

王羲之蘭亭序亦將有感于斯文

屬在之子

黃河九曲

藝文類聚物理論曰河色黃赤衆川之流益濁之也百里一小曲千里一大曲九曲以達

於泰華三峯

見謝河陽集

東公啟

陽潼是

亭之右

後漢楊震傳改葬於華陰潼亭注墓

在潼關西大道之北其碑尚存

陰晉之東

漢地理志京兆尹華陰縣故陰晉秦惠文王五年更名寧

秦高帝八年更名華陰太華山在南

泱泱佳氣

謝朓詩晨光復泱泱

矜蠻孤風

司馬相如

賦矜蠻布寫注盛作也

生民之秀惟子之宗既思四知亦畏三惑

後漢楊震傳王密夜懷金十斤以遺震曰暮夜無知者震曰天知地知子知我知又震子秉常曰吾有三不惑

酒色財也

昔佐赤符

後漢光武紀同舍生彊華奉赤伏符至曰劉秀發兵捕不道

實毗皇

極

詩天子是毗書洪範曰五皇極

坦蕩王道昭宣帝則

楊修箋遠近觀者徒謂能宣昭

懿德詩不識不知順帝之則

丹青不朽琬琰是刻

並見啟

狀日昇東

詩如

日之

侔辰在北子之伯仲不忝前人粉飾賢路

吳周瑜傳諸葛

瑾步騭連名上疏曰故將軍周瑜子脩昔蒙粉飾受封為將

抑揚薦紳雲間日下國

華席珍排龍掩陸突鶴摧荀

並見前

卓爾風標

漢景十三王傳夫惟大雅

卓爾不羣沈約碑風標秀舉

朗然流品

王儉碑外康流品

妍若春輝烈如冬

凜

見為河東公啟

燕石知媿齊竽自審

見為張周封啟

咸指路以光銷

論衡火滅光銷而獨在

盡登門而聲寢

見為舉人啟

難售者價重難知

者聲清披沙揀金

白帖披沙揀金往往見寶

由是不媿鳥散花落

謝朓

詩鳥散餘花落

於今有情劉儒十行

後漢劉儒傳儒字叔林桓帝博求直言儒上封事十

條辭甚忠切

孫弘三道

漢公孫弘傳元光五年復徵賢良文學菑川國復推上弘太常奏弘第居

下策奏天子擢弘對為第一

直路猶弦

後漢五行志順帝末京都童謠曰直如弦死道邊

蠹

政如埽

史記韓非子作五蠹索隱曰五蠹蠹政之事有五也禮記埽而更之

筆海驚波詞

園鞠草

新書藝文志王義方筆海十卷張仲素詞園十卷詩跋跋周道鞠為茂草

文場不寫

於中心冊苑空留於秘寶

見代李玄文

晉千里國

晉劉頌傳疏曰古者

封國大者不過土方百里今雖一國周環近將千里

漢第一功

漢書蕭何傳君位為相國功第一

建幢油碧

晉輿服志青油幢諸王三公有勲德者特加之

啟幕蓮紅

見為同州啟

賓

高主擇

左傳周諺有之曰山有木工則度之賓有禮主則擇之

韻合人同

袁宏三國名臣

欽贊景山恢

固不能加減陳掾

未詳按典畧魏太祖嘗使阮瑀作書與韓遂時

誕韻與道合

太祖適近出瑀隨從因於馬上具草書成呈之大祖掣筆欲有所定而竟不能損增非陳琳事也此恐是一時

之亦可以喜怒桓公衣繡含香省蘭臺栢赤管朝操青

縑夜襞

並見前

佐計相則生聚有經

漢書張蒼居相府主郡國上計者號計相

左傳伍員曰越十年生聚十年教訓

贊地官而

集作則

孤終協籍

見為賀拔員外啟

於惟荔浦

新書地理志桂州始安郡領荔浦縣

言念金昆

謂其兄汝士詩言念君子南史

王鈐傳玉友金昆

毀寇裂

集作帶

後漢逸民傳漢室中微士皆毀冠裂冕去之

雪泣

星奔

庾信詩雪泣悲去魯吳志陸抗傳疏曰星奔電邁俄然行至○箋舊書魯士兄汝士字慕巢元和四

年進士擢第又登博學宏辭科累辟使府長慶元年為右補闕坐弟殷士貢舉覆落貶開江令入為戶部員外再遷職方郎中太和三年以本官知制誥九年為戶部侍郎位至吏部尚書卒新書富州開江郡龍平縣武德



四年析置博勞歸化安樂開江四縣尋以蒼梧豪靜開江隸梧州

宅裏之荆枝半謝

見

汝南公表

嶺頭之梅萼空繁

白帖大庾嶺上梅南枝落北枝開

陟岡望兄詞

客之情何極

詩陟彼岡瞻望兄兮

歸縣見姊騷人之恨猶存

水經

注江水東過秭歸縣南袁崧曰屈原有賢姊聞原放逐亦來歸喻令自寬全鄉人冀其見從因名曰秭歸即離

騷所謂女嬃嬋媛以詈余也漢地理志南郡有秭歸縣注孟康曰秭音姊

乃擢戎曹遂荒京

令將換清切

見為李貽孫啟

以扶明聖不知者壽

史記蔡澤曰富貴吾所自

有所不知者壽也

難言者命

見論語

未謁季良

集作梁

之醫

見為賀拔員外

啟

已革曹參之病

曹當作曾禮記曾子寢疾病曾元曰夫子之病革矣革紀力反詳見祭韓

氏姑 文 嗚呼平生世路

廣絕交論世路  
嶮巖一至於此

繾綣交期

左傳繾綣從公

孫金廬米

並見前

百賦千詩

漢藝文志枚舉賦百二十篇  
杜甫贈李白詩敏捷詩千首

桂林崑嶠一片一枝

見謝宗卿啟

終以浮沈

漢表盜傳盜病  
免家居與閭里

浮湛相隨行師  
古曰湛讀曰沉

因兼險夷

盧諶贈劉琨詩序委身之  
日夷險以之銑曰夷平也

對

皋壤之搖落成老大之傷悲

見為張周封啟

尚冀他年或陶良

夜

見為同州啟

酒筵琴席燈闌月榭

嵇康絕交書時與親舊  
敘濶陳說平生濁酒一

孟彈琴一曲志願畢矣謝莊月賦去燭房即月殿芳  
酒登鳴琴薦庾信哀江南賦月榭風臺池平樹古

俱

開怨

一作愁

別之襟並息分歧之駕

並見前

短景未果

集作短願

來果非見  
為裴懿文

良辰不借

左思詩道遙撰良辰

竟鬱結于深衷

顏延之五言詠

深衷自此見

倏淹淪于大化况南康解榻

見為崔從事啟

早降清光

會稽繼組

漢書嚴助會稽吳人上問所欲對曰願為會稽太守於是拜為太守朱買臣字翁子吳人

也會邑子嚴助貴幸薦買臣上拜會稽太守上謂買臣曰富貴不歸故鄉如衣繡夜行今子何如買臣衣故衣

懷其印綬步歸郡邸

昨辱餘芳

晉儒林傳論曰餘芳遺烈煥乎可紀

情

集作

分逾極

銜哀更長

晉王敦傳詔曰銜哀從役朕甚慙之

三十年之間難追往事五千

里之外正恨殊鄉地濶山深川寒樹古杳杳玄夜

見代彭陽

公荒荒

集作

宿莽

離騷夕攬洲之宿莽

生金認石

王隱晉書永嘉初陳國項

縣賈達石碑之中生金人鑿取賣賣已復生此江東之瑞

埋玉恨土

見代李玄文

寄奠緘

辭呼風泣雨

後漢方術傳趙炳長嘯呼風亂流而濟曹植諫延首歎息雨泣交頤

噫嘻噫

嘻

詩噫嘻成王

宗尹之魂來否

### 祭張書記文

維會昌元年歲次辛酉四月辛丑朔二十日庚申隴西

公滎陽鄭某隴西李某安定張某昌黎韓某樊南李某

謹以清酌之奠敬祭於故朔方書記張五審禮之靈嗚

呼古有不重千金

古樂府不惜黃金散盡只畏白日蹉跎

殊輕尺璧

帝王世紀

禹不重徑尺之壁而愛日之寸陰

或號百夫之防

詩維此仲行百夫之防

或作萬

人之敵

蜀張飛傳魏謀臣程昱等咸稱羽飛萬人之敵也

雖爭雄角秀殊塗異

跡念閱水于千齡

陸機歎逝賦川閱水以成川水滔滔而日度世閱人而為世人冉冉而行

暮

若衝飈之一息

陳琳武軍賦若衝風之飛秋葉

吁嗟審禮寧或免之

瞭眸巨鼻

論衡孟子相人以眸子焉心清則眸子瞭瞭者目文瞭也漢陳遵傳長頭大鼻

方口

疎髭

御覽引瀨鄉記李母碑曰老子方口說文髭口上鬚也

始自渚宮

見祭呂商州文

來

游帝里

漢高帝紀高祖沛豐邑中陽里人也陸誥石闕銘或以光從帝里

論邀懸河

晉書

王衍曰郭象清言如懸河久而不竭

文酬散綺

陸機詩高談一何綺謝朓詩餘霞散成綺

體物

稱最登高擅美

見為李  
貽孫啟

良時不來

李陵詩良  
時不再至

躁進何

一作

為

恥門巷蓬蒿

見為同  
州啟

荒涼如此

孔稚珪北山移文  
石逕荒涼徒延佇

藩

溷筆硯

臧榮緒晉書左思欲作三都賦構思十稔  
門庭藩溷皆著紙筆遇得一句即疏之

寂寥

而已梁多文士漢有賢王

見為張  
周封啟

猶市駿骨

戰國策涓  
人為君求

千里馬馬已死  
買其骨五百金

肯驚夜光

鄒陽書明月之珠夜光之璧  
以暗投人於道路衆莫不按

劍相  
盼者長裾既曳

見為山  
南啟

健筆誰當

徐陵表雖復陳  
琳健筆未盡愚懷

職

高蓮幕官帶芸香青袍如草白簡如霜東閣朝煖西園

夜涼

並見  
前

震豈殺公

晉書魏舒為司徒周震累為諸府  
辟書下公輒喪號震為殺公掾莫

有辟者舒  
辟之無患

謚惟故吏

盧謚贈劉琨詩序故吏從  
事中郎盧謚死罪死罪

渭濱迴

流馬之運

蜀諸葛亮傳亮悉大衆由斜谷出  
以流馬運與司馬宣王對於渭南

峴首奉辭

曹之諱

禮記太史典禮執簡記奉諱惡晉羊  
祐傳祐死人為諱名改戶曹為辭曹

松筠不改

琴尊有寄三徑方營

並見前

一畝之地

禮記儒有一畝  
之宮環堵之室

多

文為富無事當貴

戰國策顏觸辭去  
曰無罪以當貴

亦解客嘲還答賓

戲

並見前

迴翔逸軌

晉王沈等傳論曰  
齊逸軌而長驚

傲晚重霄

江淹擬  
郭璞詩

傲晚採  
木芝

將期晚節更峻清標懸蛇結轡

風俗通應彬為  
汲令賜主簿杜

宣酒壁上懸弩照于杯影如蛇晉樂廣傳廣為河南尹  
嘗有親客久濶不復來廣問其故答曰前在坐蒙賜酒

方欲飲見杯中蛇意甚惡之既飲而疾於時河南聽事壁上有角漆畫作蛇廣意杯中蛇即角影也復置酒於前處謂客曰酒中復有所見不答曰所見如初廣乃告其所以豁然意解沉疴頓愈

鬪蟻成妖

見為裴懿文

迴生乏祖洲之草

十洲記祖洲在東海中地方五百里上有不死草生瓊田

中人已死者以草覆之皆活

續斷無弱水之膠

十洲記仙家煮鳳喙麟角作膠名為續弦

膠能連屬弓弩斷絃漢西域傳安息長老傳聞條支有弱水西王母亦未嘗見師古曰玄中記云崑崙之弱水鴻毛不能起也仙傳拾遺武帝幸華林苑射虎

陳尸重

來而何望

古詩下有陳死人杳杳即長墓裴啟語林張湛好於齋前種松樹養鴈鵠時人謂張屋下

陳尸楚魂一散而難招

宋玉招魂序招魂者宋玉之所作也宋玉憐哀屈原忠而斥棄愁懣



山澤魂魄放佚厥命將落故作招魂

嗚呼神道甚微天理難究桂蠹蘭敗

漢南越王傳獻桂蠹一器師古曰此蟲食桂故味辛而漬之以蜜食之也文子藁蘭欲發秋風敗之

龜年

鶴壽

郭璞遊仙詩借問蜉蝣輩寧知龜鶴年善曰養生要論曰龜鶴壽有千百之數道家之言鶴曲頸而

息龜潛匿而噓此其所以為壽也

在長短而且然

左傳邾子曰命在養民死之短長時也

于妍醜而何有

世說補范蔚宗在獄詩云好醜共一丘何足異枉直

某等早承餘

眷晚獲聯姻

梁劉峻傳自此聯姻帝室

或感極外家

漢丙吉傳遺詔所養武帝曾孫

名病已在掖庭外家者

延自出之念

見為韓同年啟

或恩深猶子

禮記兄弟之子

猶子也 多引進之仁

後漢延篤傳欲令引進之

或敬屬丈人之行

漢勾奴傳

鞞侯單于自言漢天子我大人行師  
古曰大人尊老之稱行音胡浪反  
或情兼內妹之親

晉宣五王傳澹妻  
郭氏賈后內妹也  
有美吾姨  
左傳息媯將歸過蔡蔡  
侯曰吾姨也止而見之  
靈

慶攸屬  
後漢光武紀贊  
尊公則師長庶僚  
晉陳壽傳丁  
儀丁虞有盛

名於魏壽謂其子曰可覓千  
斛米見與當為尊公作佳傳  
夫人則儀刑六族  
禮記天  
子之妃

曰后諸侯  
曰夫人  
門高再世之侯家享萬鍾之祿  
並見  
經過款

狎  
阮藉詠懷詩趙李相經過  
南史阮顗傳與鄧琬款狎  
出入遊陪映人玉潤  
世說  
衛叔

寶是樂彥輔壻裴叔道常稱  
之曰婦翁冰清女壻玉潤  
覆水蓮開  
梁簡文帝採蓮  
賦卧蓮葉而覆

水亂高房  
而出藂  
春歸別墅月滿高臺嵇山傾倒  
世說嵇康風  
姿特秀山公

曰嵇叔夜之為人也其醉也傀俄若玉山之將崩

謝雪徘徊

宋符瑞志大明五年正月戊午元日

花雪降殿庭時右衛將軍謝莊下殿雪集衣白上以為瑞於是公卿俱作花雪詩

惜景而持繩

欲繫

李尤詩安得長繩繫白日

邀歡而秉燭相催

古詩晝短苦夜長何不秉燭遊

中

歎乖離今冬至止仲叔辭辟而方返

後漢書太原閔仲叔徵博士不至客

居安邑老病家貧日買猪肝一片安邑令勅吏常給仲叔曰豈可以口腹累安邑遂去

梅福罷官

而未幾

見為濮陽公狀

一則歸從回鴈之峯

方輿勝覽衡陽有回鴈峯至此不南

去在今衡州城南

一則至自跼鵯之水

見為濮陽公文

方將為笛裁竹

張鷟文士傳蔡邕告吳人曰吾昔嘗經會稽高遷緣亭見屋椽竹東間可以為笛取而用之果有異聲

斬梓

曹植與吳質書伐雲夢之竹以為笛斬泗濱之梓以為箏

驅羿射鴻

疑作鳥淮南子堯時

十日並出草木焦枯堯命羿仰射十日中其九鳥皆死墮羽翼

招任釣鯉

見為舉人啟按羿無射鴻

事蓋此只取其善射如任公子之釣亦未嘗有釣鯉事也

豁契濶于屯夷

傅亮表臣契濶屯夷

旋觀終始

極平生之宴喜

詩魯侯燕喜潘岳西征賦陸賈之優游宴喜

良覲雖屢

杜甫詩逍遙展良覲

深懷未從三靈莫效

見為成魏州表

一夢俄終露先

寒而隕葉漏未盡而聞鐘

見代僕射表

今則列樹開封

易葬之中

野不封不樹

揅著得吉絳旒前引

見祭裴氏文

桐棺後出

墨子禹葬會稽

衣裘三領桐棺三寸

隱麟原野

見為絳郡公文

淒涼雲日

一作月誤謝靈運詩雲日相輝

映

將歸宿莽之庭欲閉青松之室

並見前

殷勤舊

一作賢

偶

冀望諸孤

左傳公曰以是藐諸孤辱在大夫

未歸下國

左傳狐突適下國注下國曲沃

新城吳語天若不知有辜則何以使下國勝注下國吳自謂也

且寓皇都江遠惟哭天

高但呼

史記屈原傳勞苦倦極未嘗不呼天也

必有餘慶

見為先輩

非無後

圖

左傳鬬伯比曰以為後圖

嗚呼哀哉壺有芳醪俎多肥羜

詩既有肥羜以

速諸

父 叫噪不聞精靈何處鬱憤徒極含辭莫叙冀有鑒

於酸嘶庶無乖於酣飫

詩飲酒之飫杜預左傳注飫厭也

李義山文集卷六

謹案第二頁後二行使明時無失政之機按文苑  
英華機作譏

第十二頁前五行集作悔吝非刊本悔訛晦據文  
苑英華改

第十三頁前三行薛之皇祖奚仲居薛刊本仲下  
衍夏字據左傳刪

第十三頁前六行食竹實刊本實訛食據韓詩外  
傳改

第十三頁後六行樂伯掉鞅而還刊本樂伯訛伯  
樂據左傳改

第十四頁前二行其都會謂之舉場刊本都訛節  
據國史補改

第十四頁後六行帝念允職刊本允訛克據文苑  
英華改

第十五頁前五行帳煖錦麗刊本麗訛嚴據別本  
改



第十六頁後一行鷓鴣度雪而未遠按文苑英華未  
作去

第二十四頁前五行電掣嵩丘按文苑英華電掣  
作雲納

第二十八頁後八行見為同州啟刊本同州訛州  
同據本集改


第三十二頁前二行詞客之情何極按文苑英華  
詞作詩

第三十三頁前八行夕攬洲之宿莽刊本攬下行  
中字據離騷刪

第三十四頁前七行論邀懸河按文苑英華邀作  
極

第三十五頁前四行多文為富刊本多文訛文多  
據文苑英華改





總校官庶吉士臣張能照  
校對官編修臣朱攸  
謄錄舉人臣勵世馨

欽定四庫全書薈要

集部

李義山文集卷八

七

詳校官助教臣常循



欽定四庫全書薈要卷一萬四千六十五

集部

李義山文集卷七

監察御史徐樹穀箋

山東提學僉事徐燭註

  
祭文下

祭處士房叔父文

詳祭裴氏姊文房字上應有十二二字

其爰在童蒙

易匪我求童蒙

最承教誘違訣雖久音旨長存

晉中

興書東海王越敎子毘曰諷味遺言不如親承音旨

近者以檀山舊塋忽罹風水

水經注索水出京縣西南嵩渚山北流逕京縣故城西北有壇山岡按京縣故城在今河南開封府滎陽縣東南二十里壇山即檀山其山四絕孤峙山上有塢聚俗謂之檀山聚新書劉禹錫傳葬滎陽檀山原山今在縣西有劉禹錫墓也義山懷州河內人距滎陽二百里而近故先塋在焉郭璞葬經內篇氣乘風則散界水則止古人聚之使不散行

### 壽堂圯壞

陸機挽歌壽堂延鬼魅注壽堂祭祀處

之使有止故謂之風水

### 冢樹凋傾雖崩則不修聞諸前哲

一作聖禮記孔子既得合葬於防孔子先

反門人後雨甚至曰防墓崩孔子

### 但墜而罔治

御覽輿地志曰

泣然出涕曰吾聞之古不修墓

琵琶所有古墓半在水中甕有隱起

那俟他人况真德

宇云筮云吉龜云凶八百年墜水中

貽

一作昭誤

### 芳鴻儒著美

文心雕龍石碣落鴻儒

### 豈可令趙岐之表墊彼

玄局

見為濮陽公文

郭泰之碑淪於夜壑

見代李

載惟瑛項

二子

名貌爾孤冲誠叫號之不停顧營辦之無素

南史劉歊傳歊已先

知手自營辦詳上表

某等輒考諸著筮

晉左貴嬪傳楊皇后誄曰乃考龜筮龜筮襲吉

別

卜丘封使羲叟以今日吉時奉移神寢奢無僭縟儉免

虧疎是期永閔尊靈長安幽窆

文心雕龍武帝誄云尊靈永蟄詳上表

眠

牛有慶自及于諸孤

晉書陶侃微時丁艱將葬家中忽失牛遇老父謂曰前岡見一牛眠

地若葬位極人臣

白馬垂祥豈均于猶子

博物志公卿送夏侯嬰葬至東都門外馬

不行接地悲鳴得石榔葬之

追懷莫及感切徒深更思平昔之時兼

預生徒之列陸公賜杖念榮益以何成

晉中興書謝安嘗詣陸納納兄

子倣遂陳盛饌安去納杖倣四十云汝既不能光益叔父奈何穢吾素業

殷氏著文媿獻酬

而早屈

晉殷浩傳浩與叔父融俱好老易融與浩口談則辭屈著篇則融勝浩

引進之恩

方極禍凶之感徒

一作俄

鍾誰言一紀之餘又奉再遷之

兆

孝經卜其宅兆而安厝之

哀深永往情極初聞矧宗緒衰微簪纓

殆歇

晉謝尚傳尚議曰婚姻將以繼百世崇宗緒詳上啟

五服之內

禮記喪多而服五上附下

附列也注大功以上附於親小功以下附於疎五服之上下附也

一身有官將使澤底

名家翻同單系

李肇國史補四姓蒙陽鄭崗頭盧澤底李士門崔皆為鼎甲

山東舊



族不及寒門

新書柳冲傳過江則為僞姓王謝袁蕭為大東南則為吳姓朱張顧陸為大山東則

為郡姓王崔盧李鄭為大關中亦號郡姓韋裴柳薛楊杜首之晉劉毅傳疏曰上品無寒門下品無世族

靜

思肯構之文敢怠成書之託

見上

城等既幽明無累年

志漸成

後漢第五倫傳疏曰年盛志美

則當授以詩書諭其

一作

婚宦

列子語有之曰人不婚宦情欲失半

使烝嘗有奉名教無虧靈其鑒此微

忱助夫至願敢以求於必大庶免歎於忽諸

左傳臧文仲聞六與

夢滅曰臯陶庭堅不祀忽諸

迫以哀憂兼之瘵恙

見上

曾非遐遠不

獲躬親瀝血裁詞

南史袁昂傳啟曰披心瀝血敢乞言之

叩心寫懇

後漢張奐

傳奏記曰凡人之情  
寬則呼天窮則叩心  
長風吹浪敢忘昔日之規

南史宗慤小時

叔父少文問其所志答  
曰願乘長風破萬里浪  
南巷齊名永絕今生之望

世說阮仲

容步兵居道南諸阮居  
道北北阮皆富南阮貧

冀因薄奠

魏志武帝紀遣使以太牢祀橋玄注公祝

文曰裁致薄奠公其尚饗

少降明輝延慕酸傷不能堪處苦痛至深

永痛至深

為馮

一作鄭

從事妻李氏祭從父文

有美吾門實繫公族

見上狀

絳霄結蔭皇極流輝

郭璞遊仙詩振

髮帶翠霞解褐披絳霄詳上文

自嚴君以交辟延榮

易家人有嚴君焉

仲父以

立朝衍慶叔父雖禮疎五服而義協一家馬援於兒姪

之間一情無異

後漢馬援傳兄子嚴敦嚴字威卿父余援常與計議委以家事南史王僧虔曰

昔馬援子姪之間一情不異

王華在兄弟之列數從猶親

南史王琨傳琨華從

父弟也琨伯父厥得罪晉世諸子並從誅唯華得免華宋世貴盛以門衰提攜琨恩若同生為之延譽

吉

人辭寡

見

君子無爭

見論語

屬者以獻賦不遇投筆從戎

漢書司馬相如獻上林子虛賦

鏡水稽山聊屈觀書之

王筠詩獻賦甘泉宮詳上表

望

輿地志山陰南湖縈帶郊郭白水碧巖互相映發若鏡若圖故王逸少云山陰路上行如在鏡中遊會稽

記漢順帝永和五年會稽太守馬臻創立鏡湖在會稽山陰兩縣界左傳晉侯使韓宣子來聘觀書於太史氏

楊雄遺劉歆書  
得觀書於石室

甬東淞石始開傳

集作侍非

劍之名

吳語越王使人

告吳王曰寡人其達王於甬句東注句音鉤甬句東今句章東海口外洲也史記吳世家越王句踐遷夫差於

甬東集解賈逵曰甬東越東鄙甬江東也孔稚圭北山移文馳妙譽於浙右詳上表

經途幾千

任昉

哭范僕射詩與子別

去國數載爰因職貢來奉闕庭

漢兩

幾辰經塗不盈旬

粵傳長為藩臣奉貢職

傳車方馳朝露溘至禍生朽索

庾信表不獲躬親闕庭

繫起揚鞭

書凜乎若朽索之馭六馬江總詩揚鞭向柳市詳上文

始驚香而不禁

俄折臂而無望

原註因墜馬死故云○魏志朱建平善相馬曰此馬今日死馬惡衣香鬻帝膝

帝怒殺之晉羊祜傳祜墮馬折臂

嗚呼存亡恒

集作定

理壽夭常期所悲

者方次中塗所痛者非因美疾稅鞅告痛

謝朓詩無由稅歸鞅

肩

輿數晨既鍼艾之莫徵

南史袁粲傳火艾鍼藥莫不畢具詳上啟

果含

去聲

祿

而斯及

穀梁傳衣衾曰祿貝玉曰含

况乎合室遠在海涯一女方羈

二子未卅人生甚痛天道奚言

江淹恨賦人生至此天道寧論詳上啟

今

以家國載遙干戈未息尚稽歸祔

禮記魯人之祔也合之注祔謂合葬也

乃議從權

謂旅殯也

定鼎城東

帝王世紀春秋成王定鼎於郊鄆其南門名定鼎門蓋九

鼎所從入也

永通門外

隋地理志大業元年移都改曰豫州東面三門南曰永通

南瞻嵩

嶺

戴延之西征記嵩高中嶽也東謂太室西謂少室相去十七里嵩其總名也

北望邙山

張載

七哀詩北邙何壘壘高陵  
有四五注北邙山名也

式崇寓殯之封且作藏神之

室必也慶延異日時屬通年先溫序之思歸

見代僕射表

俟

臧孫之有後

見為裴懿文

二十一姪女早蒙慈撫久歎違離

今又從夫山東食貧洛水

詩三歲食貧

將療無及驚悲有加

敢因祭酌

集作酒酌

之馨聊冀精靈之降

見上文

嗚呼叔父永

鑒卑誠

祭韓氏老姑文

原注故安定韓尚書太夫人

猗歟我家世奉玄德讓弟受封

後漢丁鴻傳緄卒鴻當襲封讓國於弟盛不報

既葬乃挂衰經於冢廬而逃去

**勤王賜國**

左傳子犯曰求諸侯莫如勤王

**名芳彛鼎**

禮記

衛孔悝鼎銘悝拜稽首曰對揚以辟之勤大命施於烝彛鼎

**勲盈史冊季孟國高秦**

**晉欒郤**

按季孟國高謂在國高之間秦晉欒郤謂與欒郤為匹左傳秦晉匹也論語以季孟之間待之

**恭惟柔範載稟淵塞**

詩仲氏任只其心塞淵晉表宏傳贊曰公衡冲達秉志淵塞

**既**

**作女師**

宋玉神女賦顧女師善曰古者皆有女師教以婦德漢外戚傳班婕妤好誦詩及窈窕德象女師

**之乃為嬪則**

謝朓哀策思媚諸姑貽我嬪則

**潁水波清梁園月明**

西京雜記

梁孝王遊於忘憂之館集諸遊士使各為賦公孫乘為月賦詳上表

**言旋百兩且拜雙旌**

**託計**

一作**侯令弟**

謝靈運詩末

**配國名卿**

見上

**入從述職**

出輔專征

禮記王制諸侯賜弓矢然後征晉虞預傳疏曰淮夷作難召伯專征

螽斯不妬

詩序螽斯后妃子孫衆多也言若螽斯不妬忌則子孫衆多也

鳳凰和鳴

左傳懿氏卜妻敬仲其妻

占之曰吉是謂鳳凰于飛和鳴鏘鏘

此時同慶東郡

一作都

分榮

魏地形志東郡秦置

治滑臺城使者責梁

漢文三王傳梁王怨爰盎使人刺殺盎天子遣使冠蓋相望於道覆按梁事使

者責二千石急梁相軒丘豹及內史安國皆泣諫王王乃令羊勝公孫詭皆自殺出之

公子專魏

史記信陵君傳魏安釐王二十年秦昭王已破趙長平軍又進兵圍邯鄲公子姊為趙惠王弟平原君夫人數遺魏王及公子書請救於魏使者冠蓋相屬魏王畏秦終不聽公子用侯生計殺晉鄙將晉鄙軍擊秦秦兵解

去

帝念元昆人思仲氏杖節赴敵

晉宣帝紀諸葛亮復來挑戰帝將出兵以



應之辛毘杖節立軍門帝乃止

斬芻盡瘁

後漢第五倫傳倫攝會稽太守雖為二千石躬自斬芻養

馬

無以家為或從王事

易或從王事无成有終詳上表

禮優内子

左傳趙姬

以叔隗為内子而已下之禮記卿之配曰内子大夫之配曰孺人曰命婦

詩美夫人

詩序鵲巢夫人

之德也

冕絃瑱紈

魯語敬姜曰王后親織玄紈公侯之夫人加之以絃紈左傳臧哀伯諫曰衡紈

絃紈昭其度也注衡維持冠者紈冠之垂者絃纓從上而下者

山蕨澗蘋

詩序草蟲大夫妻能以禮

自防也其詩曰陟彼南山言采其蕨采蘋大夫妻能循法度也能循法度則可以承先祖共祭祀矣其詩曰于

以采蘋南澗之濱

子元罕見

漢朱博傳博字子元夜寢早起妻希見其面

冀缺如賓

左傳初臼季使過冀見冀缺耨其妻饁之敬相待如賓

綠衣有感翟芾仍新

詩序綠衣

衛莊姜傷己也妾上僭夫人失位而作是詩也碩人閔莊姜也其詩曰翟裼以朝遽歎逝一作夜

川遄聞晝哭

禮記穆伯之喪敬姜晝哭文伯之喪晝夜哭孔子曰知禮矣

原阡舊署

漢游俠傳京兆民曹氏葬茂陵民謂其道為京兆阡原涉慕之迺買地開道立表署曰南陽阡人不肯從謂之

原氏孟鄰斯卜

列女傳孟母舍近墓孟子之少也嬉戲為墓間之事踴躍築埋孟母曰此非所

以居處子也乃去舍市旁其子嬉戲為賈又曰此非所以居處子也乃舍學宮之旁其子遊戲乃設俎豆揖讓

進退曰此可以居處子矣長遂成大儒詳上表

閒居獻壽

潘岳閒居賦序太夫人在堂有羸老之疾

尚何能違膝下色養而屑屑從斗筲之役乎乃作賦之作閒居之賦曰稱萬壽以獻觴或一懼而一喜

作賦之

官

東征賦注曹大家集曰子穀為陳留長大家隨至官作東征賦

弓裘望襲菽水承歡

禮記孔子曰啜菽飲水盡其歡斯之謂孝詳上表

福善餘慶好謙舊祉

書天道福善禍

淫詳上文

復自良人集于之子爰從上蔡去臨易水

地理志蔡州汝

南郡領上蔡縣詳上啟

空報登壇

見為懷州表

未聞曳履

見上河東公啟

鼃父

先歸莫之能比

漢鼃錯傳錯所更令三十章諸侯謹譁錯父曰劉氏安矣而鼃氏危吾去公歸

矣遂飲藥死

趙母上言蓋不得已

史記趙奢傳趙王以括為將代廉頗其母上書言於

王曰括不可使將趙括既代廉頗秦軍射殺趙括

寒暄結患燥濕為疵徒虛百

祿靡效三鑒

詩百祿是荷詳上啟

嗚呼壽夭所賦彭殤不移

莊子莫壽

乎殤子而彭祖為夭

誰能了悟孰不憂悲何茲達識乃克先知同

易簣以就正

禮記曾子寢疾病曾元曾申坐於足童子曰華而晄大夫之簣與曾子曰然斯季孫

之賜也我未之能易也元起易簣曾元曰夫子之病革矣不可以變曾子曰吾何求哉吾得正而斃焉斯已矣

舉扶而易之反

如買棺而指期

南史張融卒遺令曰吾平生所善自當凌雲一

哭三千買棺無置新龕

苟有所累安能及斯道遠輟輟

左傳使候出諸輟輟

初學記輟輟關在洛陽

程遙河洛建旄臨塗移舟就壑

見上

日慘

林嶺

疑是林巒

風淒灌薄積霑茫茫行煙漠漠

謝朓詩生煙紛漠漠

某

等誠深通舊情協先親始自童子至於成人年將二紀

恩冠六姻

隋書鄭善果母謂善果曰今此秩俸當須散贍六姻

念升堂之如昨

吳志

周瑜字公瑾聖子策與瑜同年獨相友善瑜  
推道南大宅以舍策升堂拜母有無通共  
慟幽夜之

無晨

陸機挽歌大暮安可晨注張奐遺令曰地底冥冥長無曉期

歌停行路春輟比

鄰

曲禮鄰有喪春不相里有殯不巷歌史記商君傳趙良曰五穀大夫死童子不歌謠春者不相杵漢孫寶

傳寶祭竈

雖寓辭之有所終含酸而莫伸

江淹恨賦亦復含酸如歎

請比鄰

壺清媿耐

直救反漢書注耐三重釀醇酒也

俎薄羞芹惟餘彤管有美

清塵

詩靜女其嬈貽我彤管傳古者后夫人必有女史彤管之法史不記過其罪殺之事無大小記以成

法詳上  
文狀表 嗚呼尚饗

為李郎中祭舅竇端州文

新書地理志嶺南道端州高要郡領縣二高要

平興

始虞命

集作燕非

夏暴於玄穹功垂刊木

書禹敷土隨山刊木

德協湮

洪

漢溝洫志夏書曰禹堙洪水堙與湮同

洎帝相之難作誕少康於實中

由屯獲吉因生受封

左傳伍員曰昔有過澆殺斟尋滅夏后相后緡方姪逃出自實歸於

有仍生少康焉新書宰相世系表實氏出自姒姓夏后氏帝相失國其妃有仍氏女方姪逃出自實奔歸有仍氏生子曰少康少康二子曰

降及後代傳勲繼庸

周禮司勲

掌六鄉賞地之法以等其功王功曰勲國功曰功民功曰庸事功曰勞治功曰力戰功曰多

西京則

嬰為外戚

漢實嬰傳嬰字王孫孝文皇帝后兄子也父世觀津人上察宗室諸實無如嬰賢師古曰

諸竇總謂  
帝外家也

東漢則融居上公

後漢竇融傳融字周公扶風平陵人也隴蜀平數月

拜為冀州牧十餘

日又遷大司空 愍陽城之不享

陽城疑是安成漢外戚傳竇皇后親早卒

葬觀津薄太后乃詔有司追封竇

始移籍於扶風

宰相世系

后父為安成君母為安成夫人

表龍六十九世孫鳴犢為晉大夫竇氏遂居平陽鳴犢

六世孫誦二子世扈世生嬰漢丞相魏其侯也扈二子

經充充避秦之難徙居清河漢贈安成侯葬觀津二子

長君廣國廣國字少君章武景侯二子定誼誼生賞襲

章武侯宣帝時以二千石徙扶風平陵二子壽

邕邕二子數秀秀子林徙居武威融其孫也 源遠更

清基高自

集作足

峻有卓明靈靄然休問

見上狀

陋巷不憂

坦途方進月遠標儀

南史齊王儉傳風儀與秋月齊明音徽與春雲等潤

霞高映

論

北山移文使我高霞孤映

王寧韞匱

見論語

錐安處囊

見上

宜伸尚

屈

見上文

將集猶翔

見論語

潛師大易謙尊以光

易謙尊而光卑而不

可

誓安老氏債少易償

老子是以聖人執左契而不責於人呂注右契所以取左契所

以與則左契者常以與人而不為物主者也

爰紆銅墨

漢百官公卿表秩比六百石以上皆銅印

墨

是宰濠梁

莊子莊子與惠子游於濠梁之上

宓琴時奏

見為濮陽公狀

潘樹

逾芳

見為賀拔員外啟

入贊朝儀

漢叔孫通傳臣願徵魯諸生與臣弟子共起朝儀

言

揚事舉

禮記或以事舉或以言揚

圭璧蠻夷

謂執玉來朝也

弁冕文武

左傳劉定

公謂趙孟曰吾子弁冕以臨諸侯

吐辭含韻知今博古

晉石崇傳使者曰君侯博古通



今察遠

進抑退揚從規合矩

禮記古之君子必佩玉右徵角左宮羽趨以采齊行

以肆夏周還中規折還中矩進則抑之退則揚之然後玉鏘鳴也

復陶啟位

左傳楚子次於乾谿

雨雪王皮冠秦復陶注秦所遺羽衣也疏冒雪服之知是毛羽之衣可以禦雨雪也○箋復陶啟位頗難解或舉以問余余沉思數日而始得之復陶羽衣也楚靈王所服後世則道流服之殆取輕舉之意封禪書武帝使樂大衣羽衣受印是也竇端州蓋始嘗為老莊之學隱居著道士服後乃出山入仕如王希夷吳筠之輩三洞道科言道士有五其一曰山居道士許由巢父之比也魏徵少亦出家為道士及唐之中葉人主益崇道教即志在用世者不妨寄跡黃冠昌黎集有送張道士序亦其類也觀上文大易老氏等語則羽衣為竇之初服無疑矣不欲斥言其道流故庾辭

殿省承榮

後漢宦者傳漢興置中常

侍官然亦引用士人以參其選皆銀璫左貂給事殿省  
按省音所景切星上聲禁署也漢避元后父王禁諱改  
禁中為省中唐制有尚書門  
下中書秘書殿中內侍六省  
孔門之束帶無忝見論語叔

孫之繇絕難更

漢書叔孫通起朝儀以所徵三十人及上左右為學者與其弟子百餘人為繇

蕞野外習之如淳曰謂以茅翦樹地為纂位尊卑之次  
也春秋傳曰置茅絕師古曰蕞與絕同並音子悅反按  
竇蓋釋褐縣令入為鴻臚故云然舊  
書職官志鴻臚寺領典客司儀二署  
君子信讒詩君子信讒如

或醕

小人道長

易小人道長君子道消也

未暇閉關難期稅鞅

顏延之詩

劉伶善閉  
闕詳上文

暫持符竹遠出羅網

見上表

誰識卑飛

吳越春秋扶同

曰鷺鳥將搏  
必卑飛戢翼

因成利往

易利有攸往

銅梁改秩

蜀都賦外負銅梁於宕渠

向曰銅梁山名元和郡縣志銅梁山在墊江縣南九里按墊江今四川重慶府之合州是也錦里經

時

華陽國志成都西城故錦官城也錦江織錦濯其中則鮮明他江則不好故命曰錦里

人去而琴

臺壞棟

寰宇記益部耆舊傳云相如宅在少城中笮橋下百步許有琴臺在焉成都記琴臺院以相如

琴臺得名而非其舊舊臺在城外浣花溪之海安寺南今為金花寺元魏伐蜀下營於此掘塹得大斃二十餘口蓋所以響琴也隋蜀王

文移而石室摧基

華陽國志文翁為蜀

秀更增五臺并舊為六

郡守造講堂石室一名玉堂安帝永初間烈火為災惟石室獨存太守高朕於玉堂東復造一石室為周公禮殿

水經注文翁立講堂作石室

劉弘之重銘葛廟

蜀志諸葛亮傳

於南城後守更增二石室

注蜀記晉永興中鎮南將軍劉弘至隆中觀亮故宅立碣表識寰宇記諸葛武侯廟在先主廟西方與勝覽在

成都府西北二里少城内桓溫平蜀夷少城獨存孔明廟

王商之更立嚴祠

益部耆舊傳王

商字文表廣漢人劉璋以商為蜀郡太守與嚴君平李弘立祠作銘寰宇記嚴君平宅在益州西一里耆舊傳

云卜肆之

隴首云歸

柳惲詩隴首秋雲飛

端溪遽逐

唐端州今廣東肇慶府治

井猶存

是也明一統志大江在府城西南又名

角豈觸藩

易羝羊觸

西江即端溪也深廣澄演下流入海

藩羸其角

臀終困木

易臀困於株木

海闊天盡山深霧毒許靖他鄉

有名無祿

見為鹽州狀

馬超正色宜歌反哭

蜀志馬超字孟起右扶風茂陵

人父騰靈帝末與邊章韓遂等俱起事於西川超領騰部曲軍敗超走保諸戌曹公追至安定復奔漢中依張魯聞先主圍劉璋於成都密疏請降章武元年遷驃騎將軍領涼州牧進封隸鄉侯二年卒臨没上疏曰臣門

宗二百餘口為孟德所誅畧盡惟有從弟岱  
當為微宗血食之繼深託陛下餘無復言

何為善之

無憑而降灾之甚速

書皇天降灾詳上文

其欽惟教義夙所依因

在昔家世勤王實殷高旌大旆結駟飛輪

李康運命論子思遊歷諸

侯莫不結駟而

慶豈遺于自出榮實垂

集作萃

於外姻

見上

造門詳上文

啟一紀以來艱凶遘及嗟宅相以無取懼堂構之不集

王隱晉書魏舒字陽元任城人幼孤為外氏甯家所養

甯氏起宅相者曰當出貴甥舒曰當為外氏成此宅相

後累官侍中司徒詳上啟

詎言渭水之乖離

詩我送舅氏日至渭陽

竟絕西州

之出入

見為舍人啟

嗚呼哀哉違京背闕古陌荒阡松門積

靄隴首停

集作行

煙

謝靈運詩牽葉入松門詳上文

祖庭是日乞墅何年

禮記子游曰飯于牖下小斂于戶內大斂于阼殯於客位祖於庭葬於墓所以即遠也廣韻乞與人物也音丘

既切詳上文

淚有血而皆裂

一作皆墮按皆當作皆裂宜仍舊詳上表

憤無膺而

可填

江淹恨賦置酒欲飲悲來填膺

况玕剖郡符璟持使節

玕璟實端州二子名

也王褒聖主得賢臣頌剖符錫壤以光祖考

塞遠城迴河窮路絕顧後瞻前

形孤影孑

典引次於聖心瞻前顧後張翰詩單形依孤影

長號出次重拜臨穴

任昉為范始興表長號北陵詩臨其穴惴惴其慄

酒醴清濃有羞羅列

詩為酒為醴以

洽百

庶有鑒于斯文冀不同於虛設

漢賈捐之傳遙設虛祭想魂乎萬里

外之  
嗚呼尚饗

重祭外舅司徒公文

箋新書王茂元卒贈司徒  
謚曰威詳上河東公啟

嗚呼哀哉人之生也變而往邪人之逝也變而來邪冥

冥之間

謝惠連祭古冢文既不知其名  
字遠近故假為之號曰冥漠君

杳忽之內虛變

而有氣氣變而有形形變而有生

莊子離乎芒芴之間  
變而有氣氣變而有

形形變而有生今又變而之死  
是相與為春夏秋冬四時行也

今將還

一作歸

生於形歸

形於氣漠然其不識浩然其無端

一作歸

則雖有憂喜悲

歡而亦勿能措

一作用

於其間矣苟或以變而之有變而

之無若朝昏之相交若春夏之相易則四時見代尚動於情豈百生莫追遂可無恨倘或去此亦孰貴於最靈

哉

書惟人萬物之靈

嗚呼公之世胄勲華職官揚歷並已託於

寄莫備在前文今所以重具酒牢載形翰墨蓋意有所未盡痛有所難忘以公之平生恩知曩昔顧盼屬續之夕不得聞啟手之言祖庭之時不得在執紼之列終哀且痛其可集作何非道邪嗚呼七十之年人誰不及三公之位人誰不登何數月之間不及從心之歲聞天有慟方



登論道之司

謂贈司徒

時泰命屯

顏延之應詔詩途泰命屯恩充報屈

才長運

否為善何益彼蒼難知昔澤怪既明告

一作吉非

教釋桓公

之病

莊子桓公田於澤管仲御見鬼焉公撫管仲之手曰仲父何見對曰臣無所見公反諛詒為病數日

不出齊士有皇子告敖者曰澤有委蛇見之者殆乎霸桓公輒然而笑曰此寡人之所見者也於是正衣冠而

坐不終日而不知病之去也

陰德未報夏侯知丙吉不亡

漢丙吉傳封吉為博

陽侯臨當封吉疾病夏侯勝曰此未死也臣聞有陰德者必饗其樂以及子孫後病果愈

何昔有其

傳今無其證豈人言之不當將天道之或欺雖北海懸

定薨期

見為裴懿文

長沙前覺灾至

見代李玄文

偃如巨室

見祭楊郎

文中去若歸人

見代彭陽公表

處順不憂

莊子適來夫子時也適去夫子順也安時而處

順哀樂不能入也

得正之喜

見祭韓氏姑文

在公之德斯盛在物之痛

何言矧乎再軫慮居屢垂理命

理讀曰治見上表

簡子將戰之

誓惟止桐棺

左傳趙簡子誓曰若其有罪絞縊以戮桐棺三寸不設屬辟素車樸馬無入於兆下

卿之罰也

晏嬰送死之文寧思石槨

禮記有若曰晏子遣車一乘及墓而反國君七

箇遣車七乘大夫五箇遣車五乘晏子馬知禮又昔者夫子居於宋見桓司馬自為石槨三年而不成夫子曰

若是其靡也死不如遠朽之愈也

素車樸馬踈巾弊帷

吳志呂岱傳遺令殯以素棺踈

巾布構禮記仲尼曰吾聞之也敝帷不棄詳上文

成一代之清規揚百年

一作古

之休問

晉王湛等傳論曰素德清規足傳於汗簡詳上狀

所謂有始有卒高明

令終

詩高朗令終

嗚呼往在涇川

謂為涇原節度使

始受殊遇綢繆

之迹

盧諶贈劉琨詩序綢繆之旨有同骨肉

豈無他人

詩豈無他人不如我同父

樽空

花朝燈盡夜室忘名器於貴賤去形迹於尊卑語皇王

致理之文

集作源見上表

考聖哲行藏之旨

見論語

每有論次必

蒙褒稱及移秩農卿分憂舊許

左傳晉荀瑩至西郊東侵舊許○箋新書王茂

元傳鄭注敗悉出家貲餉兩軍得不誅封濮陽郡侯召為將作監領陳許節度使

羈牽少暇陪

奉多違跡疏意通期奢道密紵衣縞帶雅况或比於僑

吳

見榮陽公狀

荆釵布裙高義每符於梁孟

後漢梁鴻傳鴻字伯鸞扶風平

陵人也聘同縣孟氏及嫁始以裝飾入門七日而鴻不答妻乃請曰竊聞夫子高義今而見擇敢不請罪乃更為推髻荆釵布裙操作而前

鴻大喜字之曰德耀名孟光

今則已矣安可贖乎

集作

如可贖兮人百其身

嗚呼哀哉千里歸塗東門故第數尺素帛一

爐香煙耿賓從之云歸

范雲贈張徐州稷詩賓從皆珠玑

儼盤筵而不

御

後漢王渙傳渙喪西歸道經弘農民庶皆設槃案於路

小君多惠諸孤善喪登

堂輒啼下馬先哭

喪大記始卒主人啼兄弟哭

含懷舊極撫事新傷

植玉求歸已經於舊日

搜神記羊公雍伯雒陽縣人性篤孝父母終葬無終山遂居焉

山高八十里上無水公汲水作義漿於阪頭行者皆飲之三年有人就飲以石子一斗與之使至高平好地有石處種之玉當生其中羊公未娶又云汝後當得好婦語畢不見種其石數歲有徐氏右北平著姓女公乃試求徐氏徐氏戲云以白璧一雙來當聽為婚公於所種石中得五雙白璧以贄徐氏徐氏大驚遂以女妻公天子異之拜為大夫於種玉處四角作

泣

一作立非

珠報惠寧

盡於茲辰

吳都賦淵客慷慨而泣珠博物志南海外有鮫人水居如魚不廢績織其眼泣則能出珠

出人間賣綃臨去從主人索器泣而出珠以與主人

况邢氏吾姨

詩東宮之妹邢侯之姨

蕭

門仲妹愛深猶女思切仁兄

後漢趙壹傳壹報曰實望仁兄昭其懸達

撫嫠

緯以增摧

左傳嫠不恤其緯而憂宗周之隕為將及焉

闔孀閨而永慟

淮南子寡

婦不孀

草荻土梗

說文荻草根也莊子魏文侯曰吾所學者真土梗耳

旁助酸辛高

鳥深魚遙添怨咽嗚呼精神何往形氣安歸苟才能有

所未伸勲庸有所未極則其強氣宜有異聞玉骨化於

終山

集作鍾山淮南子鍾山之玉炊以爐炭三日三夜而色澤不變得天地之精也

楸栢實於

裴氏

禮記衛有太史曰柳莊寢疾公曰若疾革雖當祭必告再拜稽首請於尸曰有臣柳莊也者非寡人之

臣社稷之臣也聞之死請往不釋服而往遂以禭之與之邑裴氏與縣潘氏書而納之棺曰世世萬子孫無變也驚愚駭俗佇有聞焉嗚呼姜氏懷安之規既聞之矣

左傳晉公子重耳及齊齊桓公妻之姜曰行也懷與安實敗名

畢萬名數之慶可稱也

哉

集作夫見為成魏州表

篋有遺經匣藏傳劒積茲餘慶必有揚

名愚方遁跡丘園

易賁于丘園

游心墳素

潘岳閒居賦傲墳素之長圃

前

耕後餉

用左傳冀缺事

并食易衣

禮記易衣而出并日而食

不忤不求道誠

有在自媒自衒

見為張周封啟

病或未能

枚乘七發太子曰僕病未能也

雖呂

範以久貧

吳志呂範字子衡汝南細陽人也邑人劉氏女美範求之女母欲勿與劉氏曰觀呂子衡

寧當久貧者邪遂與之婚

幸治長之無罪

見論語

昔公愛女今愚病妻

內動肝肺外揮血淚得仲尼三尺之喙論意無窮

莊子仲尼

之楚楚王觴之孫叔敖執爵而立市南宜僚受酒而祭曰古之人乎於此言已曰丘願有喙三尺

盡文

通五色之毫書情莫既

見為山南啟

嗚呼哀哉公其鑒之

為李兵曹祭兄亳州刺史文

亳州望領縣八譙鄭城父鹿邑真源臨渙

永城

蒙城

伏惟靈天枝挺秀帝系傳芳材高杞梓

見為賀拔員外啟

價集

位

重珪璋

禮記圭璋特達德也

蘭芷斯茂先以馨香

南史王僧孺傳任昉贈詩

曰敬之重之如蘭如芷曹植七啟酷烈馨香

干鎔將用不挫鋒鏑

吳越春秋干將者吳

人造劒二枚一曰干將二曰莫邪庾信神道碑鎮北鋒鏑

始備千牛俄仕諸衛

通典千牛

刀名後魏有千牛備身掌執御刀因以名職顯慶五年置左右千牛府後改為衛置大將軍一人將軍各一人



以副之

逸意方起絕足猶繫

孔融書燕君市駿馬之骨非欲以騁道里乃當以招絕足

也

爰佐羣僕亦掾神京

謝朓哀策背神京之弘敞

邑惟二宅

見為懷州表

曹實五兵

初學記魏有吏部左民客曹五兵度支凡五曹尚書

地峻流急官閒政

清嵩少曉霽

見為馮從事妻文

伊洛秋明侶能吟之謝客

鍾嶸詩品

謝客為元嘉之雄顏延年為輔客兒靈運小名也

伴作賦之賈生

漢藝文志賈誼賦七篇

遂擢堯厨

帝王世紀堯時厨中自生肉脯薄如翼搖則風生使食物寒而不臭名曰翼脯

一作

仍調湯膳位列大朝名參內殿

王粲詩晝日處大朝日暮薄言歸吳志呂蒙傳

蒙疾發權時在公安迎置內殿

朱紱輝華銀龜舊祭

見為濮陽公表

漢有宗正

委之親賢

漢書劉德字路叔為宗正與立宣帝地節中以親親行謹厚封為陽武侯

貳彼惟

月人寧我先

書卿士惟月

外夷求騁天子憂邊皇華始賦紫

綬俄懸

詩序皇皇者華君遣使臣也詳上啟

雄其出塞之任假以中臺之

權

漢匈奴傳凡五將軍兵十餘萬騎出塞各二千餘里詳上表

不拜無慙於蘇武

漢

武傳武引佩刀自刺武氣絕半日復息單于愈益欲降之廼幽武置大窖中絕不飲食天雨雪武卧齧雪與旃毛并咽之

去節寧類於王馬

漢匈奴傳漢使王烏等闕匈奴匈奴法漢使不去節數日不死

不以墨黥其面不得入穹廬王烏北地人習胡俗去其節黥面入廬單于愛之王烏此作王馬按藝文類聚引漢使王烏等窺匈奴

銜賢誓死

後漢獨行傳溫序為隗囂別將苟宇所拘刼序足證今本漢書之誤

受劒銜鬚於口顧左右曰既為賊所殺無令鬚汙土遂伏劒而死

齧雪獲全帝仗使者

吾無愧悔既返中華止同屬國

李陵答蘇武書聞子之歸贈不過二百萬位不

過典屬國

蒼蠅難祛

一作備非曹植詩蒼蠅間白黑讒巧令親疎

貝錦方織

見祭呂商

文好丹非素

江淹雜體詩序至於世之諸賢各滯所迷莫不論甘而忌辛好丹而非素

點白

為

集作

黑遭時不知非予有感既失志於絳灌

見為絳郡公文

遂不容於樂郤

左傳宣公十五年晉三郤害伯宗譖而殺之初伯宗每朝其妻必戒之曰子好

直言必及於難又成公八年晉趙莊姬為趙嬰之亡故譖之於晉侯曰原屏將為亂樂郤為微六月晉討趙同

趙竟陵山水

舊書地理志復州竟陵郡上本沔陽郡治竟陵貞觀七年徙治沔陽天寶元年更名

寶應二鍾離控扼

地理志濠州鍾離郡上濠字初作豪元和三年改從濠

名貴隼

旗時瞻熊軾

見上表

人以功遷吾由謗得其明若神

漢黃霸傳

霸為潁川太守吏民

其惠如春

曹植七啟民望如草我惠如春

先除黠

不知所出咸稱神明

吏

漢尹翁歸傳拜東海太守輒披籍縣縣收取黠吏豪民案致其罪

且活疲民

王融策秀才文

豈布政未優

汙萊盡闢

詩田卒汙萊

邑室重新草祥木瑞

後漢

將疲民難業

何敞傳京師及四方果有奇異

獸去鳥馴

後漢魯恭傳恭為中牟令

鳥獸草木言事者以為祥瑞

螟不入界河南尹袁安使掾肥親覘之恭與親坐桑下有雉過止其旁旁有童兒親曰何不捕之兒曰雉方將

雛親歎其三異獸

方候徵還俄嬰美疢積微而桓侯竟

去見為裴懿文

晚

見為裴懿文

達命而徐公待盡

晉魏舒傳識者以此稱其達命南史徐廣傳武帝受

禪恭帝遜位廣又涕泗交流謝晦謂曰徐公將無小過廣言墳墓在晉陵丹徒又生長京口息道玄忝宰此邑

乞隨之官歸終桑梓年過八十猶歲誦五經一遍元嘉二年卒

怵怵空驚

司馬相如長門賦神怵怵

而外淫善曰王逸楚辭注怵失意也

遲遲未信誰知泉路之高低

見上表

孰

測夜臺之遠近

阮瑤七哀詩冥冥九泉室漫漫長夜臺

永惟良配亦實女

師庶姜尤效君子是宜異室無怨同穴有期

詩庶姜孽孽穀則異

室死則同穴詳上文

河魴著詠皎日裁詩

詩豈其食魚必河之魴又謂予不信有如皎日

嗚呼哀哉龜筮協從日時斯卜將去荒郊

陶潛挽歌送我出遠郊

言辭華屋

曹植詩生存華屋處零落歸山丘

草樹蒙帶

孫子兵法草樹蒙龍

川原

迴複白髮孤弟臨棺慟哭失慈撫於終身宛聲容之在

目心摧則冰炭交集

郭象莊子注喜懼交集於胸中固已結冰炭於五臟矣

血下

而綆縻相續

見祭呂商州文

萬古永訣百身何贖酒滿未御肴

乾未臨已矣伯氏來慰良心

### 祭小姪女寄寄文

正月二十五日伯伯以果子弄物招送寄寄體魄歸大  
塋之旁哀哉爾生四年方復本族既復數月奄然歸無

于鞠育而未深

一作申詩父兮生我母兮鞠我拊我畜我長我育我

結悲傷而何

集作則非

極來也何故去也何緣念當穉戲之辰孰測生死

之位時吾赴調京下移家關中事故紛綸光陰遷貿寄

瘞爾骨五年於茲白草枯菱

潘岳悼亡詩枯菱帶墳隅

荒塗古陌

左思

詩荒塗橫古今

朝飢誰飽夜渴誰憐爾之栖栖吾有罪矣今吾

仲姊

即裴氏姊

反葬有期遂遷爾靈來復先域平原卜穴刊

石書銘

喪服小記復與書銘自天子達於士其辭一也

明知過禮之文何忍深

情所屬自爾沒後姪輩數人竹馬玉環

杜氏幽求子年五歲有鳩車之

樂七歲有竹馬之樂明皇雜錄天后常召諸皇孫坐于殿上觀其嬉戲因出西國所貢玉環釵盃盤縱令爭取以觀繡襜文褱韻書褱褱蔽膝也史記趙世家程嬰公其志孫杵臼謀取他人嬰兒負之衣以文褱

中 匿山

堂前堦下日裏風中弄藥爭花紛吾左右獨爾精

誠不知所之况吾別娶已來嗣緒未立猶子之義倍切

他人念往撫存五情空熱

文子昔中黃子曰色有五章人有五情

嗚呼榮

水之上

書導沆水東流為濟入於河溢為滎漢地理志河東郡垣縣禹貢王屋山在東北沆水所出東南

至武德入河軼檀山之側

見祭處士叔父文

汝乃曾乃祖松檟

出滎陽北地中

檀山之側

森行

任昉求立太宰碑表松檟成行

伯姑仲姑冢墳相接汝來往於此



勿怖勿驚華綵衣裳甘香飲食汝來受此無少無多汝  
伯祭汝汝父哭汝哀哀寄寄汝知之邪

祭徐姊夫文

嗚呼以君之文學以君之治政

一作術

幼以自立老而不

倦亦可以為君子人矣君子人歟而不即清途

南史荀伯子好

為雜語遨遊閭里故以此失清途

不階貴仕

見代安平公遺表

此其命也夫何

慊焉始者仲姊有行

詩女子有行遠父母兄弟

獲託貴族

魏陳思王植傳華宗

貴族半產以資於外姓

晉表喬傳與哀書曰將軍之於國外姓之太上皇也

闔門寄

一作託於仁人

後漢賈復傳  
闔門養威重

將以衰微倚為藩援

陸機  
辨亡

論夫蜀蓋藩  
援之與國也

不圖薄祐天奪初心

左傳虢公敗戎於桑  
田晉卜偃曰是天奪

之鑒而益  
其疾也

仲姊凋殂諸甥不育以親以懿

左傳富辰曰  
兄弟雖有小

忿不廢  
懿親

翻為路人再號再呼莫訴蒼昊尚以君子存伉

儷之重敦行李之私

世說孫子荆除婦服作詩以示王  
武子王曰未知文生於情情生於

文覽之凄然增伉  
儷之重詳上狀

二十年已來雖事睽

一作  
睽

而意通跡

遙而誠密神當賜

自作

鑒愚豈敢忘逮愚不天

左傳楚  
子圍鄭

鄭伯肉袒牽羊以迎  
曰孤不天不能事君

再丁凶釁泣血偷息

庾信統千弘  
碑斃斃盾子

泣血徒步奔波千里晉  
庾亮傳疏曰偷存視息  
餘生幾何君方赤紱銀章

易困于赤

紱詳上表  
荆東從務舊書地理志浙江西道節度使治潤州

越州管越衢婺溫台  
明等州或為觀察使  
道途悠邈時序徂遷訝弔緘之不

來忽訃書之一作而  
俱至感舊懷分情如之何埋玉焚芝

固未可喻見代李玄文  
嗚呼今來古往人誰不亡於今之亡

其酷斯甚藐然一女纔已數齡乞後旁宗又未能立賢

弟扶服東路揚雄解嘲扶服入索按扶服通作匍匐詩云凡民有喪匍匐救之  
遇疾洛

師見檄文  
徘徊十旬淹不得進浮泛水陸厥途四千建旄

云歸曠然無主

王隱晉書傳咸遭繼母憂上書曰咸身無兄弟到官之日喪祭無主

尼姑

居宗老之地

南史蕭琛傳上每呼琛為宗老

黠

集作駟

奴總家相之權

漢貨

殖傳桀黠奴人之所惡

獲及故阡信為餘慶其所以為附身附棺

之具

禮記子思曰喪三日而殯凡附於身者必誠必信勿之有悔焉耳矣三月而葬凡附於棺者必誠必

信勿之有悔焉耳矣

又豈礙平生之曠達邪

晉裴頠傳崇有論云奉身散其廉操謂之

曠達日月次遷卜筮斯協幽明之異始於今辰愚方纏哀

憂瘵恙縻寢

謝靈運詩寢瘵謝人徒善曰爾雅瘵病也

不及一攀家

一作宰是

樹

一慟荒阡

春秋公羊傳宰上之木拱矣注宰冢也

謝澹成之交申永訣之

禮

禮記君子之交澹若水莊子君子澹以親小人甘以絕

矧余仲姊君其與歸撫

心骨以皆驚攷血淚而何算

江淹別賦使人意奪神駭心折骨驚

嗚呼已

哉其何言邪襖衣非華奠物殊薄靈其鑒此慰我哀心

嗚呼尚饗

### 祭徐氏姊文

嗚呼追訣慈念一十八年罪積行違上下無禱天怒猥

集不誅其身再丁憫凶貌無怙恃

一作峙岵非詩無號父何怙無母何恃

潰荼裂心摧骨崩

曹植誄號慟崩摧

獲見諸甥來奉遷合舊物

半同於泥滓新阡方列於松楸斷手折足厥痛非擬終

天歿地此誠莫伸冤痛蒼天孤苦蒼天始某兄弟初遭

家難內無強近外乏因依李密陳情表外無耆功強近之親詳上狀祇奉慈

顏潘岳閒居賦壽鵬舉慈顏和被蒙訓勉及除常制方志人曹以頑

陋之姿辱師友之義獲因文筆晉封孚傳文筆多傳于世實忝科名

三千一作選有司兩被公選再命芸閣叨跡時賢仲季二

人亦志儒墨於顯揚而雖未進修集作修進非而不隳易君

子進德修業欲及時也永惟幽靈盍亦垂鑒今者苴麻假息禮記苴杖

竹也削杖桐也又斬衰括髮以麻注為  
母括髮以麻後漢謝夷吾傳遊魂假息  
冀土偷存不即

殞傷蓋亦有以伏以奉承大族載屬衰門

南史謝瞻言於武帝曰特

乞降黜以保哀門

三弟未婚一妹處室息肩猶闕家徒索然

陸機

歎逝賦十年之內索然已盡

將忍丞嘗有曠闕之憂丘隴絕芟除之

主

鮑昭蕪城賦井徑滅兮丘隴殘丞嘗見下序

延駐晷刻不敢自私又以祖

曾之前未一完兆骨肉之內猶有旅魂將自來茲克用

通便以顯之義雖不敢望無忝之訓庶幾或存

詩無忝爾所生

詳上文

靈其聞之必將加憫然有以沒齒懷恨

後漢清河孝王慶傳

常泣向左右以

粉身難忘者

法苑珠林釋法先擔粉身骨用生淨土

以靈

為沒齒之恨

之懿茂而不登遐壽不生賢人使別女致哀猶子為後

哀哀天地云胡不仁默默神祇其何可訴今蒿與二子

既為我甥擔當撫之以慰幽抱男勸其學使得祿仕女

求其偶必擇賢良縱乖宅相之徵庶泯忽諸之歎壽堂

宿啟潛舟既移那期永訣之悲復見重開

集作閔非

之兆以

祥忌云近哀憂載迷

禮記父母之喪既虞卒哭疏食飲水不食菜果期而小祥食菜果再

期而大祥有醢醬中月而禫禫而飲醴酒並詳上文

不獲臨壙達誠

爾雅藏葬謂之壙

撫



柩致奠

禮記在棺曰柩

東望景毫

左傳商湯有景毫之命

椎心仆身

李陵答蘇

武書此陵所以仰天椎心而泣血也

具襚擇蔬灑以淚血日慘風遠叫號

無聲伏惟明靈一賜臨鑒孤苦蒼天不孝蒼天

### 祭裴氏姊文

嗚呼哀哉靈有行於元和之年返葬於會昌之歲光陰

迭代三十餘秋得不以既葬

一作筭

闕廟見之儀

禮記孔子曰三

月而廟見稱來婦也

枚卜

一作改卜

舉歸宗之禮

會稽典錄徐平兩婦歸宗敬奉情過乎厚

南史謝弘微傳歸宗兩姑晨夕瞻奉盡其誠敬

不幸不祐天實為之

易天命不祐詩天實

為之謂推心泣血孰知所訴恭惟先德實紹玄風

晉向秀傳

為莊子隱解發明

良時不來百里為政愛女二九

古詩芳年

奇趣振起玄風

踐二

思託賢豪誰為行媒

禮記男女非有行媒不相知名

來薦之子雖

琴瑟而著詠

詩窈窕淑女琴瑟友之

終天壤以興悲

晉列女傳謝道韞初適凝

之還甚不樂叔父安曰王郎逸少子不惡汝何恨答曰  
一門叔父則有阿大郎羣從兄弟復有封胡羯末不  
意天壤之中謂之何哉繼以沉恙禱祠無冀奄忽凋違  
乃有王郎

時先君子以交辟員來南轅已轄接舊陰於桃李寄輓

殞之松楸

韓詩外傳春樹桃李夏得陰其下秋食其實詳上文

此際兄弟尚皆乳

抱空驚啼於不見未識會於沉寃淝水東西半紀漂泊

某年方就傳

禮記十年出就外傳

家難旋臻躬奉板輿以引丹旒

潘岳閒居賦太夫人乃御版輿升輕軒詳上文

四海無可歸之地九族無可倚

之親

書以親九族

既祔故丘便同逋駭生人窮困

集作異非

聞見

所無及衣裳外除旨甘是急

任昉行狀迨衣裳外除心哀內疚禮記親喪外除又

父子皆異宮昧爽而朝慈以旨甘

乃占數東旬傭書販畚

一作春非吳志闕澤字德

潤會稽人家世農夫至澤好學無以資常為人傭書以供紙筆晉載記王猛微時賣畚

日就月將

詩日就月將

漸立門構清白之訓

後漢楊震傳故舊長者或欲令為開產業震不肯曰

使世稱為清白吏子孫  
以此遺之不亦厚乎

幸無辱焉既登太常之第

新書選舉

志肅代以後兵興天下多故官員益濫  
而銓法無可道者至德宗時試太常寺

復忝天官之選

選舉志每問經十條對策三  
道皆通為上第吏部官之

免跡縣政刊書秘丘

晉束皙傳

玄居釋曰學既積而  
身困夫何為乎秘丘

榮養之志纔通

南史劉之遴傳武帝謂曰卿母年德

並高故令卿衣錦  
還鄉盡榮養之理

啟動之期有漸而天神降罰

左傳司馬侯曰

楚王方侈天或者欲逞其志以  
厚其毒而降之罰未可知也

艱棘再丁

詩棘人藥藥兮

弱弟

幼妹未笄未冠

禮記男子二十冠而字女子許嫁笄而字

肩緒猶闕

魏志蔣濟傳注

魏書述曹氏  
肩緒亦如之

家徒屢空載惟家長之寄偷存晷刻之命

號天叫地五內崩摧

李陵詩行行且自割無令五內傷

然亦以靈寓殯

獲嘉向經三紀

漢地理志河內郡獲嘉縣注故汲之新中鄉武帝行過更名也詳上表

歸

祔之禮闕然未修是冀苟全得終前限

諸葛亮表苟全性命於亂世

屬劉孽叛換逼近懷城

謂劉稹之變

懼罹焚發之灾

魏文帝典論喪

亂以來漢氏諸陵無不發掘乃至燒取玉柙金鏤體骨并盡

永抱幽明之累遂以前

月初吉

詩二月初吉載離寒暑

攝縗告靈

北史崔光傳光獨攘衰振杖

號步東

郊訪諸耆舊孤魂何託旅櫬奚依

陸機挽歌歎息重櫬側杜預左傳注櫬棺

也詳上表狀

垂興欲墮之悲幾有將平之恨

江淹恨賦琴瑟滅兮丘隴平詳

上斷手解體何痛如之灑血荒墟飛走同感

王子年拾遺記田疇

往劉虞墓設雞酒之禮慟哭之音動于林野翔鳥為之淒鳴走獸為之吟伏

伏惟朝夕二奠

禮記朝奠日

不敢久離遂遣義叟一人主張啟奉

曾子問自

出夕奠連日

啟至于

抱頭拊背戒以信誠附身附棺庶無遺闕擅山

反哭

漿水實惟我家靈其永歸無或栖寓嗚呼哀哉靈沈繇

之際殂背之時其初解扶牀

樂府焦仲卿妻詩新婦初來時小姑始扶牀

猶

能記面長成之後豈忘遷移頃者以先妣年高兼之多

恙每欲諮畫即動作咸涕泣既繁寢膳稍減雖云通禮

亦所難言荏苒於斯非敢怠忽今則南望顯考東望嚴

君伯姊在前猶女在後克當寓郛

郛疑是郛

歸養幽都雖歿

者之宅兆永安而存者之追攀莫及

王粲七哀詩朋友相追攀

又以

十二房舊域風水為灾胡子彭兒貌焉孤小雖古無修

墓著在典經而忘禮約情亦許通變今則已於左坎

一作

次別卜鄰原

鄰一作鮮是詩度其鮮原傳小山別大山曰鮮箋鮮善也

重具棺衾再

立封樹通年難遇同

一作周非

月異辰兼小姪寄兒亦來自

濟邑駭魂稚魄依託尊靈遠想先域之旁纍纍相望

重溝壘陌萬古千秋臨穴既乖飲痛何極唯安陽祖妣

未祔仍世遺憂昨本卜孟春便謀啟合會雍店東下

店疑

是兵逼近行營烽火朝然鼓輦夜動雖徒步舉觀古有其

人見祭徐用之於今或為簡率潞寇朝弭則此禮夕行

婦夫文

首夏已來

陶潛詩首夏猶清和

亦有通吉

玄女經天地開通造葬大吉

儻天鑒孤

貌神聽至誠獲以全茲免負遺託即五服之內更無流

寓之魂一門之中悉共歸全之地今交親饋遺朝暮饘

餉收合盈餘節省費耗所望克終遠事豈敢溫飽微生



苟言斯不誠亦神明誅責老舊僕使纔餘兩人靈之組

繡餘工翰墨遺跡

潘岳悼亡詩  
翰墨有餘跡

並收藏篋笥

任昉詩詠  
歌盈篋笥

用寄哀傷嗚呼哀哉舜天當年

詩有女同車顏如舜華  
傳舜木槿也疏樊光曰

木槿華朝生暮落與  
草同氣故在草中

骨還舊土

禮記延陵季子曰骨肉  
復歸于土命也若魂氣

則無不  
之也

箕帚尋移於繼室

吳語勾踐請盟一介嫡女執  
箕帚以咳姓於王宮左傳惠

公元妃孟子孟子卒繼室以聲子注諸侯始娶則同姓  
之國以姓娣媵元妃死則次妃攝治內事猶不得稱夫

人故謂  
之繼室

兄弟空哭於歸魂

沈炯有  
歸魂賦

終天銜冤心骨分裂

潘岳哀永逝文今奈何兮一  
舉藐終天而子不反詳上文

胞胎氣類

法苑珠林在母  
胞胎日三自歸

寧有舊新叫號不聞精靈何去寓詞寄奠血滴緘封靈  
其歸來省此哀殞傷痛蒼天孤苦蒼天伏惟尚饗

為外姑隴西郡君祭張氏女文

箋爾雅云妻之母  
為外姑隴西郡君

王茂元妻  
之封號也

吾配汝先世二十餘年七女五男撫之如一徃在南海  
令子云亡貌爾兩姑未勝多難提挈而至

王制斑白  
者不提挈

踰

涇涉河

南海至此歷叙已從茂  
元仕宦所至詳上表

十年之間母子俱盡念

汝差長慰吾最深女德婦容

禮記教以婦德  
婦言婦容婦功

光映姻表

北史楊津傳宗族姻表罕相參候

秭歸為牧

漢地理志南郡領秭歸縣

官閒俸優實

獲我心因選良對笄旒纚纚環珮鏘鏘螽斯鳳凰兩有

深慶汝夫

一作天

文章播於朋友身否命屯久而不第郎

寧合浦

詩歸寧父母漢地理志合浦郡武帝元鼎六年開屬交州

萬里乖離汝寄京

師食貧終歲頃吾南返又往朝那

漢地理志安定郡有朝那縣○謂遷涇原

汝實從夫適來岐下道途雖邇面集猶妨金馬碧雞

華陽

國志靖陵縣碧雞金馬光影倏忽民多見之有山神漢宣帝遣蜀郡王褒祭之欲致雞馬

長懸魂夢

及登農揆去赴天朝汝罷蒲津

同州朝邑縣黃河東岸有蒲津關

聿來

胥會朝堂夜閣曲榻溫爐稚子雛孫滿吾懷抱汝時不

祐忽爾孀殘撫視冤傷載慟心骨

見上文

旋移許下念汝

支離卜室築居言遷潁上

新書潁川汝陰郡潁潁上縣

潞童作孽

謂劉

稔之變

使節啟行崎嶇關山

漢陸賈傳崎嶇山海間

暴露戎旅

漢宣帝紀

詔曰暴露軍旅

汝失所怙

謂茂元征劉

吾猶未亡

左傳未亡人注婦人既寡

自稱未亡人

念汝弟昆莫任堂構

見上文

牽哀挽痛媿此殘生

日往月來旋更歲序

易日往則月來寒往則暑來詳上文

吾衰汝少吾病

汝強誰謂一朝汝先吾逝五男未冠二女未笄哀憤之

深難全

一作念非

禮道章兒盧七

謂張氏女二子也

取以依吾汝夫

先丘遠在江渚羣從之內

晉王凌傳羣從一門並相與服事

官名且稀

劉四頃年固難返葬始議權厝遂得嘉占白馬呈祥眠

牛薦吉

見祭處士文

里名三趙地爾九城

五代史王建世家宗壽得王氏十八

喪葬之長安南三趙邨九城謂帝城也爾與邇通三趙在長安之南故曰地爾九城按九城本淮南子風

水無虞巒岡信美葬於所始

郭璞葬經故葬者葬其所始

古為達生

謝靈運詩達生幸可託

將命來雲自我為祖

爾雅子之子為孫孫之子為曾孫曾孫之

子為玄孫玄孫之子為來孫來孫之子為弟孫弟孫之子為仍孫仍孫之子為雲孫

今汝之柩斯

馬是歸鳴呼言自淮陽已臨洛宅

書洛誥既定宅

素棺丹旒

蔡邕

陳太丘碑時服素棺槨財周櫬

託宿城隅

謝朓詩徘徊憐暮景惟有洛城隅

盤具杯醪

儼然已備吾將臨汝用雪沈寃介婦諸孫

禮記介婦請於冢婦

憂

吾衰齒

後漢韋彪傳犬馬衰齒

俯令推測云有相妨俗忌巫言吾

非甚信牽衣擁路

漢樂府兒女牽衣啼

固不可違

一作遲誤

女使僕奴

寄辭而往

張協雜詩寄辭翰墨林

肝腸兼潰血淚無行嗚呼曩昔

容華生平淑婉漠然不見永矣何歸將籍掛諸天

初學記道

有諸天內音經立世論欲界諸天亦復如是

遙歸真路

徐陵孝義寺碑咸歸至真

將福興

靜域

南史庾詵傳舉室咸聞空中唱上行先生已生彌陀靜域矣

須赴上生

法苑珠林雜寶

藏經云夫尋答言我是汝夫以作塔寺功德因緣得生天上

將為累所招遂淪幽

界將是療治不至枉喪韶年千感

一作感非

裝懷萬疑疊慮

觸途氣結

曹植詩念我平生居氣結不能言

舉目心摧天實為之復將

何訴嗚呼汝弟言護靈輜

潘岳哀永逝文俄龍輜兮門側說文輜喪車也

自始

及今必誠必信棺衾華好封隧幽深永從汝夫以安玄

路寃摧債結殆

一作文

不勝書嗚呼有靈領吾此意

李義山文集卷七